



皇清經解卷一千二百七十八

學海堂

春秋左傳補注

桐城馬進士宗璣著

宣元年傳會於棐林至遇於北林酈元曰華水又東逕棐城

北卽北林亭也服虔曰北林鄭南地京相璠曰今滎陽苑陵

縣有故林鄉在新鄭北故曰北林余案林鄉故城在新鄭東

如北七十許里苑陵故城在東南五十許里不得新鄭北也

考京服之說竝爲疎矣杜預曰滎陽中牟縣西南有林亭在

鄭北今是亭南去新鄭縣故城四十許里蓋以南有林鄉亭

故杜預據是爲北林最爲密矣

二年經戰於大棘酈元曰澠水又東逕太棘城南故鄆之大

棘鄉後其地爲楚莊所并故國稱曰大棘楚地澠水又東逕

皇清經解

卷五百七十八

馬進士春秋左傳補注

一

安平縣故城北陳畱風俗傳曰大棘鄉故安平縣也郡國志

陳畱已吾有大棘鄉姚蓋塢先生曰魏志文紀黃初四年三

月甲午行幸襄邑已吾與襄邑接壤已吾爲魏武起兵之地

但言襄邑而不言已吾豈是時已併省乎璉案胡身之通鑑

注已吾魏晉時省元和郡縣志已吾故城在寧陵縣西南四

十里是已吾之地魏晉時已省入別縣而大棘則省入襄邑

杜注甚精

傳其御羊斟史記宋微子世家淮南子作羊羹燕策厨人進

斟羹方言云斟汁也北燕朝鮮洌水之閒曰斟關西曰汁

觸槐而死章昭晉語注槐爲晉外朝之樹案晉語范獻子執

董叔紡於庭之槐是槐爲三公之位故晉卿執人於此足證

槐爲外朝之樹矣惠定宇以三槐釋此甚確

遂扶以下 扶服注作跣文選東都賦注引薛君韓詩章句曰飲酒之禮下跣而上坐者謂之宴是盾侍宴跣而上堂知有變故跣而下釋文引服注云徒跣也今杜注本往往有跣者是陸氏亦以服注爲精邃矣

公喉夫葵焉 方言云秦晉冀隴謂使犬曰喉釋文引尙書傳

曰葵犬也爾疋云狗四尺曰葵王先生念孫曰凡物之高者皆謂之敖山高者爲敖山犬高大者爲葵犬說文葵犬知人心可使者凡犬皆知人心豈獨葵邪璉案爾疋郭注引尙書孔氏傳曰犬高四尺曰葵公羊傳何休注云犬四尺曰葵與爾疋同又案馬融尙書旅葵注葵作豪是葵有猛意

皇清經解

卷五

馬進士春秋左傳補注

二

杜注本馬尙書注

舍於翳桑 疑首山近地杜注爲桑下意本史記王引之曰翳桑首陽近地此說是也杜注翳桑翳桑多蔭翳者公羊傳云子某時所食活我於暴桑下者也何注暴桑蒲蘇桑引案左氏公羊氏傳聞各異公羊氏云暴桑下謂桑樹下也故呂氏春秋報更篇昔趙孟將上之絳見飢桑之下有餓人淮南人間訓趙宣孟活飢人於委桑之下皆用公羊說也其左氏云舍於翳桑又云翳桑之餓人也皆但言翳桑不言翳桑下則翳桑似是地名知者僖二十二年左傳之謀於桑下以此例之尙是翳桑樹下則當云舍於翳桑下且當云翳桑下之餓人今此是地名故不言下也春秋時地名或取諸草木若宣

二年經戰於大棘僖二十四年傳晉師軍於廬柳哀八年傳吳師克東陽而進舍於五梧又僖八年晉里克帥師以敗狄於采桑昭二十九年遂濟窮桑史記秦本紀張儀與齊楚大臣會齧桑皆地名也乃史記晉世家云初盾嘗田首山見桑下有餓人又云盾問其故曰我桑下餓人用左氏文而改翳桑爲桑下則已誤以公羊之說爲左氏之說矣杜氏之誤亦與史記同

宦二年矣 戴記曲禮宦學事師鄭注宦仕也正義引熊氏云宦謂學仕宦之

三年傳鑄鼎象物 呂覽先識覽篇云周鼎著饗養有首無身食人未嚙害及其身

皇清經解 卷三百六 馬進士春秋左傳補注

三

成王定鼎於郊 鄒 說文云鄒河南縣直城門宮陌道也

四年傳謂虎於菟 王引之曰於菟虎文貌說文徐黃牛虎文讀若塗菟徐聲義並同虎有文謂之於菟故牛有虎文謂之徐於菟云者言其文之於菟然也說文虎虎文也於菟與虎聲近而義同單言之謂之虎重言之謂之於菟

六年傳以盈其貫 爾疋釋詁貫事也謂盈滿其疾民之事十年傳飲酒於夏氏 王符曰夏氏陳公族

取釋 此非邾文公所遷之釋杜注非

十一年傳諸侯縣公 高誘曰楚僭稱王守邑大夫皆稱公若周公之單襄公成肅公劉文公也

牽牛以蹊人之田 劉熙釋名云步所用道曰蹊

十二年經戰於郟 說文云郟晉邑春秋傳曰晉楚戰於郟  
傳卜臨於大宮 易人謀鬼謀儀禮疏引鄭注謂謀卜筮於廟

門是古人卜筮必於祖廟鄭祖厲王此祖廟蓋厲王廟

守陴者皆哭 墨子備城門篇云三十步置坐候樓樓出於堞

四尺又云俾倪廣三尺高二尺五寸說文云陴城上女牆俾

倪也眾經音義引三倉云俾倪城小垣也墨子又云守法五

十步丈夫十人丁女廿人老小十人計之五十步四十人

至於遠路 劉熙釋名云九達曰達齊魯謂道多爲達

軍行右轅至後勁 此楚之軍政名

賤有等威 如僚臣僕僕臣臺之類

沈尹 墨子所染篇云楚莊染於孫叔沈尹淮南叔敖將死謂

皇清經解

卷三章六

馬進士春秋左傳補注

四

其子請寢邱之地高誘注云寢邱今汝南固始地元和郡縣

志云沈邱本漢寢縣地沈尹作寢尹爲善

韋路藍縷 服虔云言其縷破藍藍然正義引方言衣敝誤作

衣破服注縷破依方言宜改縷敝方言又云南楚凡人貧衣

被醜敝或謂之襍縷以布而無絲敝而紘之謂之襍縷

以至於昏 文選注引五經要義昏闇也日入後漏三刻爲昏

以致晉師 周禮環人掌致師鄭注古者將戰先使勇力之士

犯敵焉

獸人無乃不給於鮮 戴記月令天子乃鮮羔鄭注云鮮當爲

獻聲之誤也不給於鮮當解爲不給於獻

帥七覆於敖前 酈元曰礫石谿水出滎陽城西南李澤東北

流歷敖山南春秋晉楚之戰設伏於敖前謂是也

脫肩 鄭康成考工記注云戈及戟矛皆插車轡賈疏云車轡外設肩戈及戟矛所建說文云轡車旁也賈疏以肩在轡外服注以爲車前橫木是也薛綜西京賦注云肩所以止旗釋文肩車上兵闌也

抽矢敢 既夕禮御以蒲敢釋文杜蒲莖也

射連尹襄老 屈蕩爲連尹服注云連尹射官言射相連屬也祀於河 水經河水又東逕卷縣北酈元曰楚莊祀河告成而還卽是處也案衡雍在卷縣故酈元云祀於河在卷縣北而後喜可知也 呂覽自知篇云文侯不說知於顏色高誘注知猶見也杜注本此

皇清經解

卷三章十

馬進士春秋左傳補注

五

十四年傳衛人以爲成勞 戴記正義云左傳孔達無相衛成公復國之事璉案孔悝鼎銘云叔舅乃祖莊叔左右成公成公乃命莊叔隨難於漢陽卽宮於宗周奔走無射鄭注莊叔悝七世之祖衛大夫孔達也隨難者謂成公爲晉文所伐出奔楚命莊叔從焉卽宮於宗周後反得國坐殺弟叔武晉人執而歸之於京師真之深室也據鼎銘是孔達實有佐成公復國之勞故衛人雖告其背盟之罪於諸侯而復使其子得閭叔穀爲卿杜注平國之功未詳佐成之事夫亢大國之仇豈反以爲功乎

乃殺之 呂覽行論篇云殺文無畏於揚梁之隄

投袂而起 呂覽莊王方削袂聞之曰噫投袂而起孔廣森曰

削裁也投袂投其所削之袂也

十五年傳君其待之 時晉將圖赤狄故休其兵力而不救宋  
託言楚強以止之觀伯宗之謀伐潞可證

鄆舒有三雋才 尙書鄭注才德過十人爲俊

敗赤狄於曲梁 杜注曲梁在廣平蓋沿晉侯弟亂行於曲梁  
而誤彼曲梁在廣平有雞澤可證此曲梁近潞不得遠引廣  
平之曲梁爲據劉昭案上黨記謂曲梁在潞城西十里甚確  
又於魏郡曲梁復引左傳宣十五年敗赤狄於曲梁爲注是  
仍沿元凱之誤注無折衷者也惠定宇知援上黨記駁杜注  
之非而未詳杜注致誤之由因備釋之

獲杜回 外傳晉語曰克潞之役秦來圖敗晉功魏顛以其身

皇清經解

卷五十七

馬進士春秋左傳補注

六

卻退秦師於輔氏親止杜回其勳銘於景鐘

十七年傳苗賁皇 宰相世系表云河南軹縣南有苗亭案郡

國志河內有野王溫軹三縣軹有原鄉賁皇爲苗邑大夫時

自軹縣往野王見晏桓子歸乃言於晉侯是自河內歸河東

成二年經盟於袁婁 張華博物記曰臨淄縣西有袁婁

傳次於鞠居 劉昭郡國志補注云陳畱志封邱有鞠亭古鞠

居

與先大夫之蕭 先大夫指晉卻穀穀悅禮樂而敦詩書故曰

先大夫之蕭亭林說猶未備

師至於靡笄之下 史記索隱曰靡笄山名在濟南

築石以投入 桓五年傳檜動而鼓賈逵注檜發石 一曰飛石

說文檜建大木置石其上發以追敵後漢堅鐔傳鐔每急輒先當矢石章懷注石謂發石以投人三國魏志太祖爲發石車擊袁紹此傳下言禽之而乘其車是高固先發石投人而後乘人之發石車也

逢丑父與公易位 御覽引五經要義國君及元率戎車將在中央當鼓御者在左勇力之士執戈在後丑父易位蓋居中而使公爲御

鄭周父御佐車 鄭康成禮記注朝祀之副曰貳戎獵之副曰佐

入於狄卒 漢志千乘郡狄縣後漢安帝改曰臨濟史記正義曰故狄城在淄州高苑縣西北

皇清經解

卷三夏六

馬進士春秋左傳補注

七

必以蕭同叔子爲質 賈逵曰蕭附庸子姓當謂蕭宋之附庸與宋同姓蕭叔大心卽蕭之先附庸蓋以叔爲稱蕭叔朝公是也

物土之宜 鄭康成孝經注分別五土視其高下若高田宜黍稷下田宜稻麥

用蜃炭 劉光伯云用蜃復用炭是乃天子之制故言死又益其修考工鄭司農注云蜃謂灰也

輿帥 周禮敘官夏官司馬之屬輿司馬上士八人此輿帥疑卽輿司馬

盟於蜀 釋例博縣西北有蜀亭

三年經帥師圍棘 郡國志濟北地邱劉昭案杜注云汶水北

地有棘鄉與今本杜注異

傳鄭賈人有將置諸褚中以出漢書南粵趙佗傳上褚五十衣師古注云以綿裘衣曰褚

四年經冬城鄆釋例以此爲西鄆非是此爲莒魯所爭之東鄆鄆國志鄆邪東堯有鄆亭璉案鄆近費故爲季氏邑漢五行志成公五年秋大水董仲舒劉向以爲時成幼弱政在大夫前此一年再用師明年復城鄆以彊私家師古注鄆季氏邑是也

六年傳師於鹹鹹疑作鹹鄆國志東郡濮陽有鹹城或曰古鹹國以下言師在其郊則惟鹹地近濮陽也

七年經同盟於馬陵郡國志河東平陽劉昭案杜注云馬陵  
**皇清經解** 卷三 夏夫馬進士春秋左傳補注 八

衛地平陽東南地名馬陵又說在魏郡元城今本杜注不言平陽衛地不至河東也劉昭一地兩注無所適從遠遜元凱之精當矣

吳入州來爾疋釋邱淮南有州黎邱郭注今在壽春縣古來  
黎同音州黎卽州來也

九年經楚人入鄆郡國志鄆邪東堯有鄆亭

傳公享之儀禮燕禮鄭注云諸侯無事若卿大夫有勤勞之功與羣臣燕飲以樂之禮也文子有如宋致女之勤勞故用燕禮享之

十年傳子然盟於修澤酈元曰修澤鄭地

傳南冠而縶者誰也淮南主術訓曰楚文王好服解冠楚國

效之高誘注獬廌之冠如今御史冠後漢輿服志法冠或謂之獬豸冠胡廣說曰春秋左氏傳有南冠而縶者則楚冠也十一年經及卻犂盟 世本云卻豹生卻芮芮生缺缺生克又云豹生義義生步揚步揚生州州卽犂也犂與克俱豹之曾孫當爲從祖昆弟服注甚善杜本之

傳晉卻至與周爭鄒田 說文云鄒晉之溫地周賜晉文溫田後爲卻氏私邑王符曰卻至食采於溫號曰溫季周溫地未盡賜晉故與卻至爭鄒田杜預以鄒爲溫之別邑不若叔重解字之精矣

十三年傳費滑

酈元曰緱氏縣治故滑費春秋滑國所都也

虔劉我邊陲

尙書呂刑奪攘橋虔鄭注云橋虔謂撓擾春秋

皇清經解

卷三百七

馬進士春秋左傳補注

九

傳虔劉我邊陲謂相奪人物以相撓擾也

我寡君是以有令狐之會

劉光伯以寡君爲使臣自稱己君

之辭呂相雖奉君命兼有己語故稱寡君璉案自昔逮我先公至寡君不敢顧昏姻皆呂相使臣之辭自君有二心於秋至實圖利之乃呂相代晉厲公詰秦之辭故稱寡人

不更女父

劉劭爵制曰秦依古制其在軍賜爵爲等級其帥

人皆更卒也有功賜爵則在軍吏之例自一爵以上至不更四等皆士也又曰不更者爲軍右不復與凡更卒同也續漢書百官志劉昭補注引之

成肅公卒於瑕

瑕卽解縣瑕城

鄭公子班自訾

訾疑卽鞏縣東訾聚雖爲周地近鄭

十五年傳出舍於睢上 御覽引九州要記曰睢陽水在宋城  
西

十六年傳敗諸洧陂 水經泄水出博安縣北過芍陂酈元曰  
芍陂在壽春縣南八十里御覽引壽春圖經曰芍陂在安豐  
縣豫州記曰陳縣地有芍陂湖

有淖於前 呂忱字林曰濡甚曰淖

纓鉞見子重之旌 墨子旗幟篇曰建旗其署令皆明白知之  
曰某子旗

不亦識乎 高誘呂覽注記識也

穀陽豎 淮南作豎陽穀高誘注豎小使也陽穀其名

養由基 酈元曰養水在邾縣南或謂之沙水下流入汝郡國

皇清經解 卷三十三 馬進士春秋左傳補注

十

志穎川襄有養陰里京相璠曰或謂之沙城以養水而名也  
由基蓋以地為氏高誘以養為姓疑非

三肅使者而退 周禮九摅九曰肅拜鄭注肅拜但俯下手介  
者不拜故曰為事故敢肅使者賈疏云軍中有此肅拜

楚師還及瑕 酈元曰瑕陂水東南逕瑕城南楚師還及瑕即  
此城也璉案酈注瑕地在下邳淮陵縣境

大夫命側 周禮考工記車人行澤者反輶行山者仄輶鄭注  
故書反為側反仄互通詩關雎輶轉反側正義云反側為一  
是反即仄也故子反名側

十七年經卒於狸脈 酈元曰狸脈魯地

傳聲伯夢涉洹 酈元曰洹水逕內黃縣北東流注於白溝世

謂之洹口聲伯夢涉洹卽是水也

公遊於匠麗氏 賈逵曰匠麗氏晉外嬖大夫在翼者杜注未全本賈說與下葬翼東門外不貫

十八年傳使修土蔿之法 晉語訾祐對韓宣子曰昔鷹叔子違周難於晉國生子輿爲理以正於朝朝無姦官爲司空以正於國國無敗績韋昭注子輿土蔿之字右行辛晉大夫賈辛也

立軍尉以攝之 淮南兵畧訓云論除謹動靜時吏卒辨兵甲治正行伍連什伯明鼓旗此尉之官也高誘注軍尉所以尉鎮眾也

張老爲候奄

淮南兵畧訓云前後知險易見敵知難易發斥

皇清經解

卷三夏大

馬進士春秋左傳補注

十一

不忘遺此候之官也高誘注軍候侯望者也王符曰河東解縣有張城張老或以邑爲氏邪

程鄭爲乘馬御

韋昭曰程鄭晉大夫荀謙之孫程季之子杜

注乘車公車也乘馬御蓋卽爲公御

襄元年傳侵宋呂畱

水經泗水又東南過呂縣南酈元曰呂

宋邑也縣對泗水鄭康成發墨守云畱在陳宋之東

二年傳故晏弱城東陽以偏之

郡國志泰山南城有東陽城

請息肩於晉

淮南汜論訓高誘注肩負擔之勤也

三年傳至於衡山

劉昭吳郡烏程補注云或云丹陽縣之橫

山去鳩茲不遠子重所至也山謙之丹陽記曰丹陽縣東八十里有橫山連亘數十里或云楚子重至於橫山是也顧亭

林疑衡山在丹陽誠是劉昭山謙之說可證

組甲三百被練三千 荀子議兵篇云楚人鮫革犀兕以爲甲  
韜如金石又云宛鉅鐵鈍慘如蠶蠶輕利儻遽卒如飄風疑  
卽組甲被練之類許慶宗曰管子四時篇房注組甲謂以組  
貫也韓非子過秦得韓之都而驅其鍊甲鍊甲卽被練也孟  
子有布縷之征趙岐注縷紵鎧甲之縷也典公臬賈疏縷用麻  
之物是凡甲皆以麻貫之此組以帛貫之尤爲精貴矣

乃盟於彫外 水經時水東至臨淄縣西屈南過太山華縣東  
酈元曰時卽彫水也惠定宇據京相璠以澧水爲彫水璠案  
左傳欽如忘釋文引服注云如而也星隕而雨卽星隕如雨  
也京相璠以彫水卽地理志如水彫而聲相似是也孟子宿

皇清經解

卷三夏大

馬進士春秋左傳補注

三

於畫史記注引劉熙注畫齊西南近邑京相璠謂臨淄唯有  
澧水西北入濟

稱解狐 韓非子外儲說篇解狐薦其讎於簡子以爲相又云  
解狐舉邢伯柳爲上黨守

赤也可 大戴禮將軍文子篇祁奚曰其爲人之淵泉也多聞  
而誕也太內辭足以沒世國家有道其言足以生國家無道  
其默足以容蓋銅鞮伯華之行也

與之禮食 韋昭曰禮食公食大夫之禮禮記正義云凡正饗  
食在廟晉悼以公食大夫禮而饗莊子於廟因以爵祿告諸  
先君而策命之使佐新軍

四年傳季孫曰畧 孔安國論語集解曰簡畧也是畧乃簡畧

之謂故君子謂之多行無禮杜解太迂

昔周辛甲之爲太史也 劉向別錄云辛甲事紂七十五諫而

不聽去之周文王以爲公卿封之長子

臧紇救邾 臧氏世爲司寇司寇秋官也在國則主兵賦如臧

宣叔命修賦繕完及毀中軍成諸臧氏也出外亦爲軍帥如

郟克伐齊臧宣叔爲道是也魯有大征伐則三卿並將三卿

不出則專命司寇出征此魯之官制也

敗於狐貍 淮南墜形訓曰時泗沂出臺云術高誘注臺云術

皆山名水經泗水出魯卞縣北山躡案酈元注邾姑蔑城在

卞縣南是魯卞縣爲邾魯接境之地臧孫與邾戰敗於狐貍

爲曰台山卽魯卞縣北山也惠定宇援淮南淄出目貍證狐

皇清經解

卷三百六

馬進士春秋左傳補注

三

貍爲淄水所出之山案水經淄水出泰山萊蕪縣原山東北

過臨淄縣東非邾魯接境惠說不如杜注之確

五年經會吳於善道 御覽引南兗州記盱眙本春秋時善道

九年傳使西鉏吾庀府守 劉光伯以府守爲府庫守藏

國君十五而生子 論衡率性篇若生子罔不在厥初生生子

謂十五

君冠必以裸享之禮行之 劉光伯云冠是大禮當徧羣廟

次於陰口而還 酈元曰涓水又東逕陰阪北水有梁焉俗謂

是濟爲參辰口服虔曰水南曰陰口者水口也參陰聲相近

蓋傳呼之謬耳又晉居參之分實沈之士鄭居大辰之野闕

伯之地軍師所次故濟得其名也

十年經會吳於柎 釋例柎地缺或曰彭城傳陽縣西北有柎  
水溝魯國薛縣西南有柎亭譙國鄆縣治戲鄉皆去鍾離五  
百餘里非諸侯六日載會所至也或曰汝南安城縣西南有  
鍾離亭西平縣北有柎亭去偃陽近千里又非自會九日之  
所能滅國皆非也酈元曰沐水又東南歷柎口城中柎水出  
於楚之柎地東南流逕傳陽縣故城東北地理志曰故偃陽  
國也案釋例或曰卽京相璠土地名說也

親受矢石 服注以鏞爲矢石呂覽貫直論高誘注矢箭石磬  
也

傳納諸霍人 酈元曰汾水又南逕霍城東故霍國也  
師於牛首 案水經注牛首在陳畱詳桓十四年傳注

皇清經解 卷三夏六 馬進士春秋左傳補注 卣

以位序聽政辟 古立位同字周禮鄭注司農古文春秋經公  
卽位爲公卽立以位序聽政辟蓋以立爲大夫之次敘而聽  
政令鄭國之制國有大事大夫諸司門子皆可共議如子皮  
爲政每事訪於子產是也子孔欲專政惡使諸大夫門子與  
聞之故違眾而有此專命焉服虔解位序謂先爲士大夫乃  
至卿與下文專欲難成意不相貫非是

閨竇 戴記儒行竇作窬徐音豆與說文同釋文引三倉解詁  
曰門旁小窬也

而賜之駢旄之盟 盟皆用牛周尙駢剛是用時王之所尙而  
爲盟以見尊崇之義

王叔氏不能舉其契 鄭周禮小宰注獄訟之要辭曰契

十一年傳東侵舊許 隱八年易許田劉光伯規杜注別有許邑邑自名許非由近許國始名爲許則此舊許卽許田楚靈王所謂我皇祖伯父昆吾舊許是宅者卽此

名山名川 儀禮鄭注諸侯之盟其神主山川

歌鐘二肆 周禮小胥凡縣鐘磬半爲堵全爲肆鄭注二八十六枚而在一虞謂之堵鐘一堵磬一堵謂之肆是編鐘十六枚編磬十六枚謂之肆若止編鐘十六但可謂之堵而非肆也歌鐘二肆乃六十四枚杜以十六爲肆是未考諸鄭注也使叔旽告於諸侯 大戴禮邾後曰羊舌大夫其爲和容也溫良而好禮博聞而時出其志也盧辨注和容主賓客也璉案使叔向告諸侯正爲和容時也

皇清經解

卷三十三

馬進士春秋左傳補注

五

以樂之半賜魏絳 周禮小胥鄭注云諸侯之卿大夫半天子之卿大夫西縣鐘東縣磬賈疏云鄭賂晉侯止有二肆當天子卿大夫判縣故取半賜魏絳是晉以判縣之半賜魏絳有金石之樂者金謂西縣鐘石謂東縣磬也

秦庶長鮑庶長武 劉劭爵制曰秦爵十爵爲左庶長十一爵爲右庶長十八爵爲大庶長自左庶長以上至大庶長皆卿大夫皆軍將也所將皆庶人更卒也故以庶更爲名大庶長卽大將軍也左右庶長卽左右偏裨將軍也鮑武蓋左右庶長雖非大將軍之比於秦之軍爵已爲尊貴矣

十二年傳秦庶長無地 此疑是大庶長

十三年傳伯游長 說文於旌旗之游於蹇之兒讀若偃故荀

於字伯游

十四年傳我先君惠公有不腆之田 儀禮鄭注腆善也說文云設膳腆多也此不腆宜訓爲不多若不腆敝玉則宜訓爲不善

諸戎犄之 犄與觶通易睽六二見輿曳其牛掣釋文鄭作挈云牛角皆踊曰挈說文作翥云角一俯一仰子夏作契傳云一角仰也荀作觶璉案諸戎觶之與上文晉人角之正是角一俯一仰之義與牛角皆踊曰挈同義杜訓爲犄其足與角之義不貫非是

穆子賦匏有苦葉 當從魯語共濟之說

遂誦之 周禮大司樂興道諷誦言語鄭注云以聲節之曰誦皇清經解 卷三 夏八 馬進士春秋左傳補注 夫

賈疏誦則非直背文又爲吟咏以聲節之韓非子難言篇云時稱詩書道法往古則見以爲誦

蘧伯玉 陳畱風俗傳曰長樂縣有蘧伯鄉一曰新鄉有蘧亭而暴妾使余 詩燕燕篇先君之思以勗寡人禮記鄭注引魯詩言獻公無禮於定姜定姜作詩言獻公當思先君定公以孝於寡人

厚成叔 惠棟案世本惠伯革鄭氏禮記注革作鞏未詳孰是案爾雅釋詁曰鞏篤擊固也篤擊厚也是鞏爲堅厚之義故惠伯鞏字厚其後遂以厚爲氏世本作革非也

以邾寄衛侯 禮記諸侯不臣寓公鄭注寓寄也齊以邾寄衛侯是以寓公之禮待衛獻公

或輓之或推之 史記劉敬傳脫輓輅索隱曰輓者牽也輅者鹿車前橫木二人前輓一人後推之

范宣子假羽毛於齊 齊羽旌或王朝所賜如衛結莢旌旌之類

謂子庚必城郢 劉昭云江陵縣北十餘里有紀南城楚王所都南有郢城子囊所城

十四年傳公子追舒爲箴尹 呂覽高誘注楚有箴尹之官諫臣也

十五年傳武子寘諸卜 郡國志魯國卞縣

十六年傳羊舌肸爲傅張君臣爲中軍司馬 大戴禮祁後曰

羊舌職爲公車尉也信而好直其功也至於其爲和容也溫

皇清經解 卷三夏大

馬進士春秋左傳補注

七

良而好禮博聞而時出其志也是羊舌肸兼軍尉和容二職軍尉蓋繼張老而爲中軍尉也至爲太傅則以軍尉職與張老之子爲之而和容之職盧辨注爲主賓客之事肸爲太傅猶必兼之故襄廿六年秦鍼如晉猶召行人子員是爲太傅兼和容之證此說聞自吾舅姚姬傳先生而暢言之

祁奚 祁奚疑是祁午祁奚已於襄七年請老矣無復爲公族大夫之事

脩官 官疑是助祭之官

以寡君之未禘祀 周禮鬯人廟用修鄭注謂始禘時自饋食始賈疏云禘謂練祭後遷廟時以其宗廟之祭從自始死以來無祭今爲遷廟以新死者木主入廟特爲此祭故云始禘

璉案此禘祭雖同於吉祭而其祭獻之禮則稍減故鄭注自饋食始

十七年傳飲馬於重邱 爾疋釋邱再成爲陶邱郭注今濟陰定陶城中有陶邱成猶重也是陶邱爲再重之邱春秋時漢濟陰郡皆曹地此重邱疑卽陶邱以再成釋之甚確

高厚園臧紇於防 杜預會於防注蓋縣東南有防城使夙沙衛唁之 服虔左傳注弔生日唁

邑中之黔 鄭元曰華元居於稷里

唯卿爲大夫 戴記雜記大夫之適子服大夫之服大夫之庶子爲大夫則爲其父母服大夫服其位與未爲大夫者齒案大夫適子卽卿也平仲疑非晏桓子適子故言唯卿爲大夫蓋大夫適子爲卿者始可服大夫之服平仲大夫庶子雖可服大夫之服而其位猶與未爲大夫者齒故降而服士服耳鄭康成說甚善王肅聖證論不足據

塹防門而守之廣里 元和郡縣志平陰故城在平陰縣東北三十里故長城首起縣北廿九里案長城卽齊侯所守之防門至齊湣王始築長城蘇代所謂齊有長城巨防足以爲塞卽此廣里卽光里白虎通瑞贄篇璜者橫也璜之爲言光也尙書光被四表後漢書作橫被四表班固西都賦作橫被六合可以廣光音相同之證京相璠曰齊人言廣音與光同續漢志濟北國有光里言由防門至光里皆平陰城之所徑繞也故京相璠曰防門去平陰三里

巫山 御覽齊地記巫山一名孝堂山在平陰縣

以中軍克京茲 郡國志濟北平陰有景茲山

以上軍圍盧 郡國志濟北盧縣

將走郵棠 郡國志北海卽墨有棠鄉

右師城上棘遂涉穎 酈元曰穎水又逕上棘城西又屈逕其

城南

次於旃然 酈元以索水爲旃然水王引之曰疾言爲旃徐言  
之爲成然成然之合爲旃猶終葵之合爲椎也璉案楚人蔓  
成然鬪成然皆楚人方言此旃然亦鄭地近楚之方言也故

以名水

役徒幾盡 公羊傳子重曰廝役扈養死者數百人何休注艾

皇清經解

卷三夏六

馬進士春秋左傳補注

九

草爲防者曰廝汲水漿者曰役養馬者曰扈炊烹者曰養役  
徒蓋卽廝役扈養之徒也

吾驟歌北風又歌南風 周禮大師執同律以聽軍聲而

詔吉凶鄭注兵書曰大師吹律合音商則戰勝軍士強角則

軍擾多變失土心宮則軍和士卒同心徵則將急數怒軍士

勞羽則兵弱少威明案鄭司農引左傳此語爲證賈疏云南

方火火主慄怒故將急數怒北方水水主柔弱又主幽闇故

兵弱少威明師曠蓋吹羽徵二音而知南北之強弱矣服虔

注北風夾鍾無射以西南風姑洗南呂以南引之者證吹律

知吉凶之事也左傳正義引服注以爲卯酉以北律呂爲北

風以南爲南風保章氏以十有二風察天地之和鄭注十有

二辰皆有風吹其律以知和否其道亡矣

十九年傳自澗水歸之於我 正義駁公羊傳非是說文云澗水在魯言魯分邾田以澗水爲竟

崔杼微逆光 說文微隱行也服注爲隱置疑非

廿一年經邾庶其以漆閭邱來奔 酈元曰洙水又西南逕南

平陽縣之顯閭亭西史記正義云南平陽縣城今兗州鄒縣

在兗州東南六十二里案郡國志山陽南平陽有閭邱亭酈

元與元凱皆誤以顯閭亭爲閭邱亭可以續漢志證之

傳以公姑姊妻之 諸侯一娶九女媵以姪姊有左姊右姊詩

所謂問我諸姬遂及伯姊蓋以諸姑備九女之數而以伯姊

爲姪姊也魯以諸侯之禮待邾庶其故以公之姑爲正配而

皇清經解 卷三十三

馬進士春秋左傳補注

三

以公之姊爲姪姊也劉光伯以姑姊爲襄公父之姊止一人

子爲司寇 據服注武仲蓋爲小司寇

董叔 案晉語董叔亦范宣子之壻故黨於欒氏

將歸死於尉氏 酈元因鄭治獄官有尉氏遂解此爲將死於

鄭之尉氏晉臣有罪何以歸死於鄭漢志應劭注云古獄官

曰尉氏是自古獄官皆曰尉氏非獨鄭有之盈是時已過周

之王城而至西鄙矣故言將歸死於周之獄吏也

使候出諸轅轅 臣瓚漢書志轅轅險道名

廿二年傳殷以少牢 案殷祭卽謂練祥卒哭成事祔祭也盛

禮曰殷練祥諸祭親喪大事故亦曰殷禮記雜記上大夫之

虞也少牢卒哭成事祔皆太牢子張卿也則其卒哭成事練

祥諸祭宜用太牢今從儉易以少牢正義第謂禘祫爲殷祭  
義猶未備

廿三年傳及其士 懷子好勇士如督戎是也

及七輿大夫與之 服注下軍輿帥大夫案輿帥卽夏官輿司

馬

著於丹書 周禮秋官司約小約劑書於丹書鄭注春秋傳曰

斐豹隸也著於丹書今俗語有鐵券丹書豈此舊典之遺言

請焚丹書 周禮司隸鄭司農注恥爲奴欲焚其籍也賈疏引

之者證隸爲奴

或以戟鉤之 考工記戟廣寸有半寸胡四之鄭注戟今三鋒

戟也戟胡橫貫之江先生慎修曰鈎欒樂斷肘而死蓋本欲

皇清經解

卷五十七

馬進士春秋左傳補注

三

生禽之故不用刺與接而用胡以鈎之鈎之而胡之下鋒貫

肘曳之而肘遂斷也

先驅

至

大殿

此齊莊所立軍政名服引司馬法可證

趙勝帥東陽之師以追之 馬季長曰晉自朝歌以北至中山

爲東陽服虔以東陽爲魯邑不如杜注之確正義糾之甚當

以公鉏爲馬正 周禮夏官家司馬亦如之鄭注大夫家臣爲

司馬者春秋傳曰叔孫氏之司馬饒展賈疏卿大夫之采地

王不特置司馬各使其家臣爲司馬主其地之軍賦杜解馬

正家司馬是公鉏主季氏地之軍賦爲家臣中之尊貴者

慍而不出 鄭論語注慍怨也

孺子秩 洛誥孺子其朋鄭注孺子幼少之稱

娶於鑄 呂覽慎大覽云武王勝殷入般未下轡命封黃帝之後於鑄高誘曰鑄國名淮南倣真訓治工之鑄器高誘注云鑄讀如唾祝之祝是鑄與祝同音汲郡古文云平王三年齊人滅祝是鑄國已爲齊邑矣宣叔娶於鑄是娶於齊之鑄邑非國也郡國志濟北地邱有鑄鄉城不言其爲鑄國也皇侃論語疏以鑄爲臧賈臧爲舅氏國誤與元凱注同

臧賈 襄十七年傳賈會帥甲三百宵犯齊師是時臧紇已立爲大夫矣賈蓋紇出奔時適在鑄耳

多則多矣 周禮司勳云戰功曰多

廿四年傳在商爲豕韋氏 詩韋顧旣伐鄭箋韋豕韋彭姓非

劉累之後杜以商之豕韋乃劉累之後旣滅而復封無書足

皇清經解

卷三十三

馬進士春秋左傳補注

三

證

在周爲唐杜氏

劉光伯曰昭元年杜注云唐人若劉累之等

累遷魯縣唐在大夏居唐之人非累之裔此注何云豕韋國於唐也又據何文知初封於唐後封於杜賈遠國語注云武王封堯後爲唐杜二國非滅唐封杜案杜滅唐封杜之解本竹書紀年成王八年十月王師滅唐遷其民於杜而誤紀年但言遷唐之民於杜亦未言封唐之後於杜也當以賈遠國語注爲據光伯規之善矣

宛射犬 酈元曰淇水又東南逕宛亭西酈大夫宛射犬之故

邑淇水又南逕射犬城東卽酈公孫射犬城

兄弟也 儀禮喪服傳鄭注云兄弟猶言族親也

有庸 夏官司勳民功曰庸賈疏云庸亦功也

廿五年傳度山林至井衍沃 周禮賈疏云是楚之地美惡有

九等

規偃豬 周禮稱人以豬畜水以防止水鄭注豬畜流水之陂也防豬有堤也

廿六年傳先八邑 古者君賜臣邑皆一乘之邑劉光伯說甚

善杜以四井爲邑爲解晉取衛西鄙懿氏邑六十以與孫氏

服虔以爲六十邑卽一乘之邑杜解爲六十井尤謬劉君規

之是也熊安生禮記疏云卿備百邑者鄭志以爲邑方二里

案百乘之家卽卿備百邑之證鄭賜子展以八邑杜何所據

而知其非一乘之邑邪服虔先六邑注亦爲四井爲邑之邑

皇清經解

卷三皇人

馬進士春秋左傳補注

三

杜注蓋本此也

及雩婁 晉書地道記曰雩婁在安豐縣之西南

多鼓軍聲以夜軍之 淮南兵畧訓曰夜則多火晦冥多鼓此

善爲設施者也

雍害其事 十二年傳道路無壅唐石經作雍是雍古文壅字

此雍害其事卽壅害其事故釋文音於勇反

廿七年傳削而投之 顏氏家訓云古者書誤則削之考工築

氏爲削鄭注今之書刀

以喪莊公 通典引王肅喪服要記注云老疾三諫去者爲舊

君服齊衰鮮虞蓋爲莊公服齊衰之服合於舊君反服之制

廿八年傳跋涉山川 高誘曰不從蹊遂曰跋涉

盧蒲癸

呂覽作盧滿癸蒲滿古字通

得慶氏之木百車於莊

爾疋釋宮六達謂之莊郭注引此傳

初學記引孫炎注云莊盛也孟子引而置之莊嶽之間數年

趙岐注云莊嶽齊街里名也蓋因爾疋以爲城中街道之名

釋名本爾疋六達爲莊解云莊衰也衰其上使高也杜以六

達爲六軌遂解莊爲六軌之道正義附會之以九達竝九軌

故亦以莊爲六軌不知爾疋六達言其交道六出竝無六軌

九軌之訓劉光伯規之甚當孔仲達曲爲杜解非也李巡注

爾疋亦取竝軌之義其誤與杜同

慶封汜祭

公食大夫禮云祭食之禮各有其處汜祭則於所

祭之處太遠

皇清經解

卷三章六

馬進士春秋左傳補注

音

如布帛之有幅焉

儀禮鄭注今官布幅廣二尺二寸漢食貨

志云布帛廣二尺二寸爲幅方言緇廣爲充說文云高滿也

廿九年傳公與公冶冕服 周禮弁師鄭注云冕則二命之卿

纁三就用玉十八再命之大夫藻再就用玉八一命之大夫

冕而無旒公冶本一命大夫冕而無旒今賜以再命之服冕

而有旒又弁師掌王之五冕皆元冕賈疏云古者續麻三十

升布染之上以元下以朱以其上以元故統謂之元冕

射者三耦公臣不足取於家臣

儀禮鄉射禮鄭注云司射選

弟子之中德行道藝之高者以爲三耦魯國是時賢臣皆仕

於三家故公臣不能具三耦

武獻以下兼國多矣

韓非子說難篇行人燭對趙簡子曰昔

者吾先君獻公并國十七服國卅八

自郟以下 水經注引劉楨毛詩義問云郟在豫州外方之北  
北鄰於號補傳引王注云周武王封祝融之後於濟洛河穎  
之間爲檜子

通嗣君也 賈服皆以嗣君爲夷末新卽位使來通聘以上文  
餘祭被弑而夷末立證之可見杜謂餘祭使來通聘正義又  
曲爲疏證非是

終身不聽琴瑟 詩山樞何不日鼓瑟何休公羊解詁引魯詩  
傳曰天子食日舉樂諸侯不釋縣大夫士日琴瑟文子蓋終  
身不聽樂矣

卅年傳而廢其輿尉 夏官輿司馬鄭注輿衆也服虔以輿衛  
皇清經解 卷五 皇六 馬進士春秋左傳補注 五

爲軍尉主發衆使民淮南兵畧訓尉之官論除謹高誘注云  
論賢除吏謹慎也老人賢而不能舉故廢之正義以爲中軍  
尉蓋以其爲趙武之屬大夫武時將中軍故以爲中軍尉  
伯有死於羊肆 羊肆蓋鄭城外里名

斗城 酈元曰沙水又東南逕斗城西沙水又東南逕牛首亭  
東是斗城與牛首近皆在陳畱爲鄭之東郊

田有封洫 周禮大司徒正其畿疆而封溝之鄭注封起土界  
也四邱爲甸賈疏云甸方八里旁加一里則爲十里之成今  
不言十里成而言八里甸者成間有洫洫間有溝旁加一里  
使治溝洫子產既正其田之疆之封界而每甸八里必旁加  
一里爲成使治溝洫則豪強不敢肆兼併之謀農畝亦永無

旱潦之患故與人終懷其惠而歌誦之也

我有田疇 韋昭國語注云穀地為田麻地為疇漢書注云美

田為疇一切經音義引倉頡篇曰疇耕地也趙岐孟子注疇

一井也

取我衣冠而褚之 呂覽悔過篇褚作貯一切經音義引傳亦

作貯周禮塵人鄭注褚藏也釋文云本或作貯或作褚是褚

貯通

卅一年傳齊出也 儀禮喪服傳鄭注姊妹之子為出

延州來 陸廣微吳地記毗陵本名延陵吳子諸樊封季札漢

改毗陵 覽御

皇清經解卷一千二百七十八終 漢軍生員樊封校

皇清經解

卷五百五十八

馬進士春秋左傳補注

三

皇清經解卷一千一百七十九

學海堂

春秋左傳補注

桐城馬進士 宗璉 著

昭元年傳其敢愛豐氏之祧 正義云祭法遠祖廟爲祧公孫  
段是穆公之孫子豐之子其家惟有子豐之廟不得有祧廟  
案管子山至篇云大夫三世不得有廟與諸侯同祀所出之  
廟豐氏僅三世不得有廟與鄭伯同祀所出之祖耳是豐氏  
之祧爲穆公其不言先君之祧者周禮賈疏云諸侯與天子  
旣不可同有二祧其遷主則總藏於太祖廟則謂太祖廟爲  
祧故聘禮云不腆先君之祧豐氏爲大夫不得上同諸侯故  
謙言豐氏之祧襄九年傳以先君之祧處之服注會祖之廟  
曰祧是豐氏之祧乃穆公之父文公之廟也大戴禮三本篇  
皇清經解 卷三百九 馬進士春秋左傳補注 一

有國者事五世有五乘之地者事三世是豐氏之廟乃三世  
之祧廟服注會祖之廟曰祧可爲確解祭法遠廟爲祧宋書  
引王注祧者五世六世之祖此釋遠廟爲祧之義證以豐氏  
三世之廟爲祧之義則辭各有當也

楚公子美矣君哉 詩文王烝哉毛傳云烝君也釋文引韓詩  
云美也是古人稱君多以美譽之

絞而婉 皇侃論語疏云絞猶刺也好譏刺人之非以成己之  
直也

季武子伐莒取鄆 元和郡縣圖志云沂州沂水縣卽莒魯所  
爭之鄆費縣卽魯季氏邑東南至沂州九十里是費鄆接界  
僅百餘里武子爲費邑近鄆故伐莒取鄆以自廣其私邑之

疆界漢五行志云成公五年秋大水董仲舒劉向以爲時成  
幼弱政在大夫前此一年再用師明年復城鄆以疆私家顏  
注鄆季氏邑是鄆爲莒魯常爭之地魯失而復取之

夏有觀扈 鄆元曰衛國有觀土國語曰啟有五觀謂之姦子  
五觀蓋其名也所處之邑其名曰觀浮水東逕衛國縣故城  
南古斟觀應劭曰夏有觀扈卽此城也璉案郡國志東郡衛  
公國本觀故國斟觀乃后相所居非啟子之五觀汲書古文  
帝啟十五年五觀以西河叛彭伯壽帥師征西河武觀來歸  
是武觀雖叛而終服也扈尙書鄭注云有扈氏與夏同姓高  
誘曰啟之庶兄

蒲宮有前 服虔以爲楚之離宮周禮掌舍掌王之會同之舍  
皇清經解 卷五十七 九 馬進士春秋左傳補注 二

爲壇墮宮棘門 鄭注謂王行止宿平地築壇又委墮土起墉  
埒以爲宮此蒲宮蓋卽盟會之地爲壇墮宮以蒲門當棘門  
耳楚僭天子之禮故爲宮如王之行止也

吳濮有覺 案昭九年傳熊丹遷城父人於陳以夷濮西田益  
之鄆元曰夏肥水上承沙水東南逕城父縣故城春秋所謂  
夷田在濮水西者也是夷濮與楚之城父接壤正吳楚疆場  
地也然地去郢都甚遠楚豈能常與吳爭哉

鮮不五稔 論衡異虛篇云春秋傳曰國之將亡鮮不五稔災  
見於五穀五穀安得熟不孰將亡之徵

趙孟視陰日 釋文陰或作陰文選陸士衡演連珠李善注引  
高誘呂覽注云陰晷影之候也

菑歲而惕日 說文曰翫習馭也又云貪也杜注本此

具五獻之籩豆於幕下 周禮大行人子男五獻昭六年傳云

得貺不過三獻正義云典命公侯伯之卿皆三命知其當三

獻是大國之卿無五獻之禮元凱杜撰大國之卿五獻正義

援卿聘饗餼五牢附會之尤謬此蓋鄭以子男之禮待趙孟

非大國卿禮也禮記正義云大國之卿禮同子男是也

賈而欲贏 呂忱字林曰贏有餘也

是國無政 廣韻鄭公子有食采於徐吾之卿後以爲氏子南

子哲爭同姓之女爲室是國無政教

擊之以戈 考工記已倮則不入鄭注云戈句兵也主於胡也

已倮謂胡微直而袤多也以啄人則不入擊以戈正是以胡

皇清經解 卷三 屯元

馬進士春秋左傳補注

三

橫擊之因以啄子哲也

及衝 爾疋釋宮自四達謂之衢至九達謂之遠郭注皆云四

道交出此衝卽爾疋衢也故杜注云交道杜注六軌爲莊九

軌爲達皆不依爾疋此衝獨訓爲交道是亦不能自堅其解

者也

唐人是因 杜旣云唐人若劉累之等累遷魯縣矣是在大夏

者又一唐人非劉累之後可知何得以唐人專屬諸劉累也

賈逵以累封於大夏因實沈之國子孫以服事商又與昭廿

九年傳懼而遷於魯縣之說相背服虔以唐人卽是劉累杜

誤本之致生謬解占事荒遠難徵闕疑爲善服賈注雖勝杜

預此注亦誤本左傳劉光伯所規寧止元凱一人邪

其季世曰唐叔虞 杜解勝服子慎

宣汾洩 惠定字據水經注洩水一名洩水證洩水卽洩水案  
酈元明言洩水出河東聞喜縣東山洩水源東出清野山世  
人以爲清襄山至周陽合於洩水始謂洩水爲洩水是洩洩  
二水源流各異未合洩水爲洩水旣合洩水乃統謂之洩水  
郡國志聞喜有洩水又有洩水最爲明晰

障大澤 大澤疑卽昭余祁爾疋燕有昭余祁郭注今太原鄆  
陵縣北九澤是也酈元曰汾水於大陵縣左迤爲鄆澤鄆澤  
卽昭余祁其陂東西九里南北十有餘里案水經注馮水嬰  
侯甲水太谷水皆鍾是澤故必防鄆之而民始安居矣

於是乎崇之 周禮黨正春秋祭崇亦如之鄭注崇謂雩崇水

皇清經解 卷五十七

馬進士春秋左傳補注

四

旱之神

以露其體 方言曰露敗也

皆百人之餼 說文曰氣饋客之芻米春秋傳曰齊人來氣諸  
侯或從食作餼

三年傳夫人士弔大夫送葬 禮記正義引鄭康成說云禮君

與夫人尊同故聘禮卿聘君因聘夫人凶時會弔主於相哀  
愍略於相尊敬故可使降一等士弔大夫會葬禮之正也

若而人 禮記曲禮始服衣若干尺矣正義云古者謂數爲若  
干儀禮鄉射以純數告鄭注若干純賈疏云若干者數不定  
之辭凡數法一以上得稱若干

豆區 韓非子外儲說篇晏子曰夫田成子甚得齊民其於民

也上之諸爵祿行諸大臣下之私大斗斛區釜以出貨小斗斛區釜以收之分斗斛區釜爲四量正斗斛異於豆區之證鄭康成司市注量豆區斗斛之屬亦以豆區異於斗斛也考工記梓人爵一升觚三升獻以爵而酬以觚一獻而三酬則一豆矣蓋言以一升之爵獻而酬以三升之觚則爲一豆矣正四升爲豆之證賈疏引馬季長說甚善韓詩說與考工同鄭注豆當爲斗言其聲之誤非謂十升爲斗也詳見戴震考工記圖惠定宇據鄭注豆當爲斗聲誤者謂梓人之豆非四升與左傳各自其四文相背則非矣

四升爲豆四豆爲區 今本左傳無四豆爲區句杜注有之據考工記粟氏爲量賈疏所引補入

皇清經解

卷五十九

馬進士春秋左傳補注

五

三老凍餒 三老國老庶老及死事者之老服虔以爲工老商老農老案齊俗本有工商農三鄉至管子始立士鄉是三老服注於管子未立四鄉之前則確至晏子時士農工商已有四老矣惠定宇引魯頌三壽作朋以證杜注鄭箋魯頌云三壽三卿也與杜解異

雖吾公室 王符曰羊舌氏晉姬姓

公乘無人 公乘卽掌公御如程鄭爲乘馬御之類

欒卻胥原狐續慶伯 王符曰卻氏欒氏狐氏皆晉姬姓以王

說證之八族皆姬姓

讒鼎之銘 服虔以讒鼎爲明堂位崇鼎惠定宇據韓非子齊

索魯讒鼎謂鼎已在齊故晏子引之璉案韓非子說林曰魯

以其雁往齊人曰雁也魯人曰真也齊曰使樂正子春來吾將聽子樂正子春戰國時人是晏子在晉時齊尙無索鼎之事安得云鼎已在齊惠說誤矣呂覽齊攻魯求岑鼎魯載他鼎以往齊弗信請柳子季一言爲信魯君乃以真岑鼎往是岑鼎疑卽崇鼎惠若據呂覽是讒鼎至晏子時已久在齊矣不應援韓非說爲證孟子可使高於岑樓趙岐注岑樓山之銳嶺者爾疋山小而高岑方言曰岑高也明堂位崇圻鄭注崇高也是岑崇皆高大之意故崇鼎亦謂之岑鼎服虔解崇鼎卽讒鼎正宜據呂覽解之惠定宇猶誤沿王伯厚之說

豐氏故主韓氏

聘禮卿館於大夫大夫館於士鄭注館者必

皇清經解

卷五十三

馬進士春秋左傳補注

六

非復聘禮之常制矣

二惠競爽

說文曰競从二兄競意从丰聲若矜

又弱一个焉

儀禮特牲饋食禮俎釋三个鄭注个猶枚也今

俗言物數有云若干個者此語然

四年傳寡君將墮幣焉

曾子問孔子曰天子諸侯將出必以

幣帛皮圭告於祖禰遂奉以出載於齊車以行每舍奠焉而

后就舍反必告設奠卒歛幣玉藏諸兩階之間乃出蓋貴命

也楚子是時會畢將以幣玉告諸武城先王之宗廟而反命

矣恨宋太子後至故以輪幣爲辭服虔以爲將輪受宋之幣

於宗廟疑非

夏桀爲仍之會有緡叛之

案哀元年傳后緡方娠賈逵注云

縉有仍之姓是有縉卽有仍也賈逵杜預皆以仍縉爲一國  
疑非

商紂爲黎之蒐 尙書西伯戡黎鄭注戡黎入紂圻內郡國志  
上黨壺關有黎亭故黎國

弱其孤 弱其公孤如子雅子尾之屬正義謂景公非是

鄭子產作邱賦 賦謂兵賦杜謂別賦其田岡非服虔謂復古  
法與渾罕政不率法之言相背亦非

求之而至 謂叔孫召而見之並召其徒使視之

使置饋於个而退 北史李謐傳左个卽寢之房也

五年傳葬鮮者自西門 言葬禮鮮少不必從卿喪自朝之禮

可自西門而出杜謂叔孫非壽終故不須以禮葬是時季孫

皇清經解

卷五十九

馬進士春秋左傳補注

七

方喜豎牛之諂豈肯顯其餓死叔孫之罪乎且言出自豎牛  
之黨尤非

勞諸索氏 鄭元曰索水又北屈東逕大索城南鄭子皮勞叔

向於索水卽此城也

以逞君心 說文楚謂疾行爲逞

七年傳爲王旌以田芋尹無宇斷之 禮緯云天子旌九刃曳

地諸侯七刃齊軫大夫五刃齊較楚僭稱王則必用天子旌

旗令尹亦必用諸侯旌旗靈王爲令尹僭用楚王曳地九刃

之旗無宇斷之使七刃齊軫杜謂楚用諸侯之禮旌止齊軫

恐非

天子經畧 略如封畛土略之畧

僕臣臺 趙岐孟子注臺供使令者

成章華之臺 酈元曰離湖在華容縣東七十五里湖側有章

華臺臺高十丈基廣十五丈

吾與子桃 說文曰墟大邱也列子湯問篇渤海之東有大壑

焉名曰歸墟說文曰邱土之高也虛尤爲大邱尤土之高者

不可謂桃虛爲無山也襄十六年經齊侯伐我北鄙圍郟襄

十七年經齊侯伐我北鄙圍桃是桃成皆魯北鄙邑故齊圍

郟不得仍圍桃以釋其怨是桃與郟近之證案郡國志任城

有桃聚計季孫與孟氏桃疑在任城非魯國卞縣桃墟也酈

元亦本杜注謂桃在卞非是成縣後漢屬濟北桃地自近濟

北無近在魯國之理

皇清經解

卷三

馬進士春秋左傳補注

八

與之菜柞 闕駟十三州記曰太山萊蕪縣魯之菜柞邑案郡

國志泰山萊蕪有原山酈元淄水注 駟作應劭誤也

賜子產苜之二方鼎 春官四命受器 鄭注謂上大夫之禮

待子產故以苜之祭器與之

鬼有所歸乃不爲厲 爾疋釋文李巡云死而無後爲厲立後

乃有歸不爲厲

嬖人媯始生孟繫 白虎通曰媯長稱伯庶長稱孟

孟繫之足不良 詩德音無良毛傳云良善也

八年經秋蒐於紅 劉昭郡國志補注於泰山奉高云紅亭在

縣西北杜預曰接宋衛也於沛國紅縣引地記云在傳昭八

年大蒐於紅是劉昭於奉高紅縣兩地皆以爲昭公蒐地奉

高屬泰山郡本魯地紅應在是沛國去魯太遠杜預亦疑其非劉昭因晉書地道記而誤何肥瞻亦疑其非不足據也

葬陳哀公 楚滅陳自是楚葬哀公袁克但欲厚葬耳非袁克葬之也賈服說是

傳於是晉侯方築虎祁之宮 漢五行志云虎祁離宮去絳都四十里杜注本此

自根牟至於商衛革車千乘 周禮賈疏云凡出軍之法先六鄉賦不止次出六遂賦猶不止徵兵於公邑及三等采賦猶不止乃徵兵於諸侯大國三軍次國二軍小國一軍此軍皆出於鄉遂賦猶不止則諸侯有遍境出軍之法則千乘之賦是也案此是諸侯遍境出軍始有千乘自根牟至於商衛正皇清經解 卷三十三 九 馬進士春秋左傳補注

是盡魯東西之境春秋公羊傳曰根牟者何邾婁之邑也宣

十年取之是根牟乃魯東與邾接壤之地

頃靈福子 頃靈惠公之子孫欒高氏皆惠公之孫於頃靈爲

從父兄弟故曰頃靈福子

輿嬖袁克 杜訓輿爲取本服注春秋時嬖倖之官多爲君御

如程鄭爲乘馬御華多僚爲宋元公御可證克亦嬖寵中之爲哀公御者杜臆解爲衆嬖人之貴者非是顧亭林說猶未暢爲詳釋之十二年傳周原伯虐其輿臣使曹逃是輿爲嬖近之臣之證故言使其黨逃去也下言輿人逐絞是輿非衆人之謂服說未確

自幕至於瞽瞍 幕在舜先鄭衆說是外傳展禽曰幕能帥顛

項者也有虞氏報焉下言杼爲禹後故云帥禹推之上甲微  
爲契後故云帥契高圉太王爲稷後故云帥稷如使幕爲舜  
後當云帥舜何以言上帥顓頊此幕在舜先之明證賈逵以  
幕爲舜後虞思於外傳展禽言相背杜用先鄭說最爲精當  
大戴禮帝繫篇顓頊產窮蟬窮蟬產敬康敬康產句芒句芒  
產蟠牛蟠牛產瞽瞍未有幕在舜先亦不足據談同年泰云  
觀外傳則幕爲舜之先無疑漢劉耽說呂梁碑言顓頊生幕幕  
生窮蟬與外傳合不知何據金山謂舜出虞幕後非黃帝  
子孫非也然大戴史記皆無虞幕一代未詳厥故

九年傳周甘人與晉閻嘉爭閻田 唐宰相世系表云晉成子

懿食采於閻遂以爲氏嘉蓋子懿後廿八年傳魏戍謂閻沒

皇清經解

卷五十九

馬進士春秋左傳補注

十

沒蓋閻嘉後裔

屠蒯 禮記檀弓作杜蕢屠杜音同史記晉大夫有屠岸賈左

傳晉有屠黍是屠乃晉大夫之氏

辰在子卯謂之疾日 論衡曰子卯日舉禍未必有禍重先王

之亡日悽愴感動不忍以舉事也忌日之法蓋丙與子卯之

類殆有所諱未必有凶禍也故宴日子刑卯卯刑子相刑之

日故以爲忌而云夏殷亡日不推湯武以興乎賈逵說非檀

弓鄭注亦同賈說

十年傳請斷三尺焉而用之 服注斷三尺使至於較案考工

輿人以其隧之半爲之較崇鄭注兵車自較而下凡五尺五

寸禮緯諸侯旗齊軫大夫旗齊較軫至較五尺五寸斷二寸

得至較者蓋天子與其臣乘重較之車諸侯之車不重較故斷三尺至較

五月庚辰戰於稷 稷卽稷下鄆元日系水旁城北流逕陽門西水次有故封處所謂齊之稷下也劉向別錄以稷爲齊城門名杜臆解爲祀后稷之處未確韓非子桓公微服而行於民間有鹿門稷者行年七十而無妻是稷門爲齊城門之證又敗諸鹿門 臧紇斬鹿門之關以出奔邾鹿門是魯境上關名疑此鹿門卽魯關名故下言樂施高彊來奔

比葬又有寵 言元公寵愛匪人是以有華向之禍

十一年傳遂奔僖子 曲禮聘則爲妻奔則爲妾

僖子使助蕞氏之筵 周禮大祝二曰造鄭注云故書造作竈

皇清經解

卷五 皇元

馬進之春秋左傳補注

七

杜子春讀竈爲造次之造書亦或爲造造祭於祖也膳夫以樂徹於造鄭注云造作也賈疏云造食之處卽厨是也婦人主中饋之事筵與造通卽謂助蕞氏作酒漿之事也

歸姓也 文選注引劉瓛萬物資生解云自無出有曰生生得性之始也說文性生也白虎通曰人稟天氣所以生者也昭公齊歸所自出故云歸姓也

鄭莊公城櫟而寘子元焉 子元非曼伯正義駁劉光伯說甚

善但以櫟邑竝置子元曼伯二人亦無明證疑子元卽是厲公之字當日實有自櫟侵鄭之事昭公出而厲公始入故曰使昭公不立

齊渠邱實殺無知 鄭眾以渠邱爲無知之邑是無知恃渠邱

大邑以弑齊襄終爲雍廩所殺杜注渠邱齊大夫雍廩邑正義知其杜撰復引鄭衆說曲爲附會非是

衛蒲戚實出獻公 蒲爲甯殖邑本章昭國語注戚爲孫氏邑甯氏孫氏同出獻公故言二氏之邑

十二年傳有酒如淮有肉如坻 淮當作濰劉光伯說是坻當從正義引坻箕之山爲善言有酒如濰水之多有肉如坻箕之高豈不可爲諸侯之師乎

有肉如陵 爾疋釋地陵莫大於加陵邵先生晉涵曰加陵卽柯陵也杜預成十七年同盟於柯陵注柯陵鄭西地言齊有肉如柯陵之高亦可以會諸侯而代晉爲盟主矣故伯瑕謂穆子失辭

皇清經解

卷三夏元

馬進士春秋左傳補注

十一

遂入昔陽 劉光伯規杜云旣入昔陽而別言滅肥則肥與昔陽不爲一安得以昔陽爲肥國之都廿二年傳云晉荀吳使師僞糴者負甲以息於昔陽之門外遂襲鼓滅之則昔陽之爲鼓都斷可知矣璉案光伯之言甚晰漢志鉅鹿郡下曲陽縣應劭曰晉荀吳滅鼓今鼓聚昔陽亭是也郡國志鉅鹿下曲陽有鼓聚故翟鼓子國有昔陽亭是昔陽爲鼓國地甚明非肥國都也杜預云下曲陽西南有肥累城疑此乃肥國都與鼓聚同在下曲陽界內故荀旣入鼓國之昔陽壬午卽以滅肥也劉光伯以昔陽爲鼓都亦小誤郡國志下曲陽明言有鼓聚有昔陽亭是昔陽亦非鼓國都之明證矣肥鼓皆鮮虞屬國此滅肥經言晉伐鮮虞後荀吳圍鼓亦云晉荀吳帥

師伐鮮虞圍鼓二國皆以鮮虞貫之是其證

供養三德爲善非此三者弗當 惠定宇訓三德爲黃裳元甚精非此三者言非有黃裳元三德不足以當此卦杜解非

潘子 史記吳世家吳王使太子夫差伐楚取番索隱曰番音潘括地志今饒州鄱陽縣春秋時爲楚東境秦爲番縣楚稱王故魯有蕩侯潘子

次於乾谿 後漢邊讓傳讓作章華賦言靈王作章華之臺築乾谿之室故靈一宿於此

僕析父從 析父爲大僕故時在王左右楚語作僕夫虞箴曰獸臣司原敢告僕夫卽太僕也爲親近之臣故告之使達於王也

皇清經解

卷三章九

馬進士春秋左傳補注

三

今鄭人食賴其田 襄十一年伐鄭晉荀偃至於西郊東侵舊許蓋卽許田也

今我大城陳蔡不羹 劉光伯據楚語靈王城陳蔡不羹使僕

夫子皙問於范無宇曰今吾城三國證左傳四國乃三字之誤韋昭注並引東西兩不羹惟酈元汝水注於定陵縣不言築不羹城但言襄城有西不羹城並引晉書地道記曰楚靈王築襄城案西不羹在襄城北楚靈所築襄城卽西不羹城是也是劉所謂三國乃陳蔡與西不羹酈元汝水注是其證君王命剝圭 爾疋玉謂之雕說文曰剝剝也

祭公謀父作祈招之詩 韋昭周語注云祭畿內之國周公之後爲王卿士謀父字也祈招解當从馬融說

十三年經於平邱 水經濟水又東過平邱縣南酈元曰縣故  
衛地諸侯盟於平邱是也

傳其父死焉 父死故怨王

賓須無隰朋以爲輔佐 韓非子外儲說篇云管仲曰登降肅  
讓以明禮待賓臣不如隰朋請立以爲大行又叔向對平公  
曰賓須無善削縫隰朋善純緣說苑晏子曰昔先君桓公身  
體墮懈辭令不給則隰朋侍

將何以立 論衡云子干爲王十有餘日

芻蕘者異於他日 儀禮聘禮司馬執筴立於其後鄭注云禮  
君行師從卿行旅從司馬執軍法者執策示罰叔鮒攝司馬  
不禁樵採之事故衛以爲請

皇清經解

卷五十七

馬進士春秋左傳補注

西

鄭伯男也 鄭志云男謂子男周之舊俗雖爲侯伯皆食子男  
之地此言鄭本畿內諸侯雖爲公侯亦只食子男之地况魯  
本伯男焉能從畿外公侯之貢乎鄭發墨守曰鄭在宗周畿  
內是也杜注鄭國在甸服外此乃武公後遷之新鄭非初封  
之始制也正義云子產不得遠言上世國小以距今之貢重  
下文明言晉不暇討何妨援王制以強抗乎正義非是

以慕蒙之 高誘曰蒙冒也冒覆面也史記衛世家二人蒙衣  
而乘服虔曰以巾蒙其頭而其乘說文云帷在上曰幕

及中人 酈元曰滄水又東逕中人亭南應劭地理風俗記曰  
唐縣西四十里得中人亭今於此城取中人鄉則四十也

胡 考工斲胡之苛鄭注胡子之國在楚芻

十四年傳司徒老所慮癸 禮記正義引崔氏說云大國惟立  
三卿立司徒兼冢宰之事立司馬兼宗伯之事立司空兼司  
寇之事故左傳曰季孫爲司徒叔孫爲司馬孟孫爲司空又  
云下大夫五人謂司徒之下置小卿二人一小宰一小司徒  
司空之下亦置二小卿一小司徒一小司寇司馬之下置一  
小卿小司馬也魯至季孫專政三家之屬大夫如小宰小司  
徒皆家臣爲之檀弓孟獻子之喪司徒旅歸四布熊氏以司  
徒爲孟氏家臣左傳叔孫氏之司馬驪戾爲叔孫氏家臣公  
鉏爲馬正卽季氏小司馬也故服子慎曰三家家臣皆有司  
司徒爲老祁之姓稍誤於春秋之官制耳蓋老祁慮癸二人  
皆爲司徒也元凱以二人爲南蒯家臣夫南蒯尙爲季氏家  
臣雖以費叛豈卽遽設官職置有司徒乎以二人爲與南蒯  
同守費則善矣正義曲爲杜解何也

收介特 特猶秦風黃鳥篇百夫之特毛傳云特者傑出之稱  
方言云獸無耦曰介楚材傑出者不可多得故曰收介特

使鬪辛居鄖以無忘舊勳 鄖元曰巾水又西逕竟陵縣北西

注揚水謂之巾口水西有古竟陵大城古鄖國也鄖公辛所

治所謂鄖鄉矣

爭鄖田 襄廿六年傳雍子奔晉晉人與之鄖說文鄖晉邢侯

邑是雍子邢侯共有鄖田故二人爭其田界正義因左傳旣  
以鄖爲雍子之田又云子靈奔晉晉人與之邢則鄖專爲雍

皇清經解

卷三夏元

馬進士春秋左傳補注

五

子之田可知矣案此傳明言邢侯與雍子爭鄆田下文又言  
罪在雍子是邢侯兼有鄆田之證說文之解甚確正義專據  
左傳反於此傳上下文義未能明晰

乃施邢侯 爾疋釋詁云矢施也矢陳也是施可訓爲矢卽可  
訓爲陳隱五年經公矢魚於棠左傳以爲陳魚而觀之此施  
罪邢侯卽陳尸於市之謂惠定宇訓施爲陳未引爾疋其辭  
費矣

十五年傳圍鼓 御覽十道志鼓城縣春秋鼓子之邑漢下曲  
陽之地十三州志曰中山有上曲陽故加下耳

撫之以彝器

尙書正義引宗彝鄭注謂宗廟之鬱鬯樽也周

本紀封諸侯班賜宗彝書序云武王旣勝殷邦諸侯班宗彝

皇清經解

卷五百九

馬進士春秋左傳補注

六

作分器說文曰彝宗廟常器也爾疋釋器彝卽鬯器也郭注  
云皆盛酒尊彝其總名趙明誠金石錄云周以前凡器通謂  
之彝至周以後有六彝之名於是直以盛鬱鬯之尊爲彝其  
名與諸器始分矣是彝器古訓皆以爲尊鬯之屬未有以弓  
鉞之屬爲彝器者杜注非是

故曰籍氏 王符曰籍氏姬姓晉公族

十六年傳受賑歸賑 周禮掌蠶祭祀共蠶器之蠶賈疏云大  
行人歸賑以交諸侯之福宗廟社稷之器物謂之爲賑是賑  
非獨宐社之內觀石尙來歸賑王朝是時亦無出師之事可  
知賑非獨祭社矣劉光伯云賑亦祭廟之內可以規杜過矣  
不亦銳乎 服虔訓銳爲折案文選李善注引說文云芮小兒

方言云菴小也凡艸木初達謂之菴郭璞音銳是苜菴聲音義皆同此銳義與苜菴同假借字也正義援說文銳芒也之義釋之未達古義矣

庸次比耦 方言曰庸恣比佺更佚代也戴震曰庸備古通用恣當作攸說文攸遞也遞更易也璉案次與攸通庸次比耦是鄭人與商人更迭耦耕之證爾疋釋言云傭均也郭注云齊等也周禮里宰以歲時合耦於鋤杜子春曰謂相佐助也康成謂鋤者里宰治處也於今街彈之室於此合鋤使相佐助是比耦必有其鋤治之所於此合耦以相佐助也

九扈爲九農正 正義云舍人樊光注爾疋其言亦與賈同其

意以扈爲官還合依此諸扈而動作也上古風俗質直官民

皇清經解

卷三百九

馬進士春秋左傳補注

七

不分故田畷常在畝畝九扈趣民耕種與農民雜處不以爲嫌以九扈所見之時爲驗故服虔云自少皞以上天子之號以其德百官之號以其徵也正義又辨桑扈竊脂爲淺白之色李巡云桑扈一名竊脂陸璣疏曰好竊人脯肉及箒中膏故名竊脂與郭注同蓋九扈皆爲民事而制是官取其爲果駝鳥則爲棘扈爲蠶駝雀則爲桑扈或占其色或占其性不必拘於竊爲淺色遂以青雀而目爲淺白也老扈鷄鷄杜本樊光說文非誤讀也

使長鬣者三人 昭七年傳使長鬣者相說文引作儼云長壯儼儼也此長鬣亦長壯之兒

十八年經許遷於白羽 郡國志析故屬宏農故楚之白羽邑

傳子產使輿卅人 夏官輿司馬鄭注云輿衆也

鄙人藉稻 盧植月令躬耕帝藉注藉耕也春秋傳曰鄙人藉稻故知藉爲耕也祭義天子爲藉千畝章懷後漢書注引五經要義云藉蹈也言親自蹈履於田而耕之

十九年傳遷陰於下陰 酈元曰沔水又東南遷陰縣故城西故下陰也

合尹子瑕城邾 酈元曰汝水又逕邾縣故城南楚合尹子瑕之所城也

其父兄立子瑕 世本子瑕子游之弟下文且以爲不順杜注舍子立叔是杜從世本以子瑕爲絲之叔此注云子瑕子游叔父乃杜之誤也

皇清經解

卷五十九

馬進士春秋左傳補注

六

龍關於時門之外洧淵 十八年傳辭晉公子公孫於東門正義云鄭城西臨洧水其西無門案此時門之外有洧淵是時門爲鄭西城門之證冲遠之說窮也

廿年傳棠君尙 惠定宇據風俗通棠當作堂璉案郡國志廣陵堂邑故屬臨淮春秋時曰堂

爲駢乘焉 月令鄭注云人君之車必使勇士衣甲居右而參乘備非常也宗魯爲公孟駢乘亦是取其有勇力

以周事子 忠信爲周言以忠信事子不洩言於公孟然非君子事人之道故孔子以爲齊豹之盜而孟縶之賊

使華寅乘貳車 魯語曰大夫有貳車備承事也此貳車卽華寅備承使之車國有大故則乘之已有大難亦用之孔懼使

貳車反祔於西圃是也

賓將椒 司馬法曰昏鼓四通爲大鑿罇師凡軍之夜三鑿皆鼓之守鑿亦如之杜子春云一夜三擊備守鑿也春秋傳所謂賓將趨者音聲相似是趨有鑿音樂記衛音趨數煩志鄭注云趨促讀爲促速釋文音趨爲促與鑿音近左傳椒依子春讀爲促左傳多古音子春漢儒之精左傳學者言必有據親執鐸 禮檀弓既卒哭宰夫執木鐸以命於宮自寢門至於庫門通典引盧植注振木鐸從寢門至庫門寢門之內新君所處庫門之內廟所在也衛侯出亡或亦同於喪禮振木鐸以爲行夜之具故公孫青亦執鐸比於宰夫也

衛侯賜北宮喜諡曰貞子賜析朱鉏諡曰成子而以齊氏之墓

皇清經解

卷三十九

馬進士春秋左傳補注

九

予之 白虎通曰死乃諡之何詩云靡不有初鮮克有終言人行終始不能若一故據其終始從可知也是自古無生而賜諡之事北宮喜死賜諡曰貞析朱鉏死賜諡曰成而以齊氏之墓地與之正臨葬而諡之之證白虎通曰所以臨葬而諡之因衆會欲顯揚之也表記先王諡以尊名魏文類聚引五經通義諡者死後之稱諡之言列其所行身雖死名常在故謂諡也衛侯以二子有大功於國故臨葬賜以墓地而加以美諡也左傳常有追叙前事及終言後事之文不可拘於一例而望文生義有未死賜諡之繆解也杜注非是閻百詩云何妃瞻得宋槧本左傳杜注云皆死而賜諡及墓田傳終言之王伯厚困學紀聞所見左傳本已有未死賜諡之說是

南宋左傳本已有此誤矣

齊侯亦遂疝

釋文正義引梁元帝說音疥爲該當作痲顏氏

家訓曰說文云痲二日一發之瘡疝有熱瘡也案齊侯之病本是開日一發漸加重平故爲諸侯憂也今北方猶呼痲瘡音皆而世間傳本多以痲爲疥杜征南亦無解徐仙民音介俗儒就爲通云病疥令人惡寒變而成疝此臆說也

藪之薪蒸 淮南地形訓申池在海隅高誘曰海隅藪也爾疋亦以申池爲齊藪多竹木故曰藪之薪蒸

偃介之關

聘禮鄭注古者境上爲關周禮曰關注關界上之

關孟子臣闞郊關之內趙岐注齊四境之郊皆有關可證此爲偃近疆界之關正義曲爲杜解非也

皇清經解

卷五十七

馬進士春秋左傳補注

十

齊侯田於沛

齊世家襄公田於沛邱此沛應卽沛邱

晏子侍於遯臺

酈元曰薄姑城內有高臺昭公廿二年齊景

公飲於臺上京相璠云貝邱在博昌縣南郡國志博昌縣有

薄姑城陸澄地理書曰薄姑故城在臨淄縣西北五十里案

沛邱在薄姑城南齊侯至自田是由沛邱至薄姑乃飲於臺

上也

蒲姑氏 括地志薄姑故城在青州博昌縣東北六十里

疾數月而卒

呂覽曰相鄭十八年刑三人殺二人桃李之垂

於行者莫之援也錐刀之遺於道者莫之舉也

取人於荏苒之澤

酈元曰役水又東北逕中牟澤卽鄭太叔

攻荏蒲之盜於是澤也

廿一年傳禦諸橫 酈元曰睢水又東逕橫城北杜預曰梁國  
睢陽縣南有橫亭今在睢陽縣西南世謂之光城光橫聲相  
近淮南高誘注橫猶光也

敗吳師於鴻口 鴻口水經注謂之紅澤爲渠汜二水合流之  
地吳師其舟師歟

揚徽者公徒也 墨子號合篇曰爲徽職說文曰微幟也以絳  
帛箸於背从巾微省聲張衡東京賦戎士介而揚揮薛綜注  
云揮爲肩上絳幟如燕尾墨子旗幟篇曰城上吏卒置之背  
卒於頭上城下吏卒置之肩左軍於左肩中軍置之匈此陽  
門城下之吏卒故以絳幟置於肩璉案旌旗之旂亦謂之徽  
大傳殊徽號王注徽謂旌旗旂也

皇清經解

卷五 夏元

馬進士春秋左傳補注

三

食於睢上

九州要記曰睢陽水在宋城西

覽

廿二年經劉子單子以王猛居於皇 酈元曰洛水又東濁水

注之卽古黃水京相璠曰訾城北三里有黃亭卽此亭也

樊頃子 韋昭周語注云樊仲山甫食采於樊詩生仲山甫毛

傳云仲山甫樊侯也正義云樊在東都之畿內頃子蓋樊侯  
之後爲周畿內侯伯水經濟水注渙水出陽城南谿陽亦樊  
也一日陽樊惠王使虢公伐樊執仲皮歸於京師卽此城也

劉子如劉 酈元曰合水北與劉水合水出半石東山西北流

逕劉聚在緱氏西南周畿內劉子國

鄆肸伐皇

酈元曰鄆水又東南於訾城西北東入洛水又有

鄆城周大夫鄆肸之舊邑

帥師軍於陰 劉昭郡國志魏氏春秋曰雒陽有委粟山在陰  
鄉軍於陰蓋卽陰鄉陰不佞卽陰鄉大夫也

於谿泉 酈元曰明樂泉水出南原下三泉竝導故世謂之五  
道泉卽古明谿泉

邾羅 酈元曰蒲池水南出蒲陂西北流合羅水謂之長羅川  
亦曰羅中矸子邾羅之宿居

廿三年傳乃館諸箕 郡國志太原陽邑有箕城

廿四年傳涖問周故 賈景伯以爲太子壽卒景王不立適子  
猛與朝俱庶子子朝年長而有寵於景大臣召桓子鞏輔之  
與敬王竝立有東王西王之號晉人不能定其故涖問周衆  
以正曲直正義疑而使察之說非也

皇清經解 卷三十三 馬進士春秋左傳補注

三

士伯立於乾祭 郡國志王城北城門名乾祭酈元曰穀水東  
流逕乾祭門北王子朝之亂晉所開也

與之東訾 郡國志河南鞏縣有東訾聚今名訾城案訾地有  
二有訾城單子取訾杜注在鞏縣西南是也有東訾聚晉書  
地道記謂在鞏縣之東酈元言鞏水逕訾城西司馬彪所謂  
訾聚是也左傳明言取訾與之東訾是訾非東訾審矣司馬  
彪亦小誤

廿五年傳六采五章以奉五色 尙書正義引以五采彰施於  
五色鄭注性曰采施曰色又云未用謂之采已用謂之色

微褻與襦 說文曰襦短衣也顏師古急就篇注短衣曰襦自  
貂以上

遠哉遙遙 漢五行志作搖搖大戴禮云武王踐阼篇風將至  
必先搖搖盧辨注搖搖無所託

季氏介其雞 高誘呂覽注介甲也作小鎧著雞頭也淮南人  
閒訓高誘注云介以芥菜塗其雞翅也杜注擣芥子播其羽  
蓋本淮南注亦小異

郈氏爲之金距 少牢饋食禮長皆及俎拒鄭注拒讀介距之  
距案鄭意是以護雞足爲介距呂覽察微篇引左傳此句下  
有季氏之雞不勝句應是左傳本文當補入

萬者二人 呂覽察微篇引左傳亦同高誘注亦作二人誤與  
淮南同惟言六佾爲四十八人猶是魯國佾舞之制二人當  
作二八惠君定宇注爲最善矣

皇清經解 卷五 馬進士春秋左傳補注

三

其衆萬於季氏 此爲論語季氏用八佾之確證馬融云季桓  
子僭於其家廟舞之皇侃論語疏曰獨云桓子者孔子與桓  
子政相值案左傳琴張聞宗魯死服虔云孔子是時四十時  
爲昭公廿年孔子與季平子亦未嘗非時相值也皇侃疏疑  
非

叔孫昭子如闕 郡國志東平陸六國時日平陸有闕亭劉昭  
案左傳桓十一年會於闕杜預注須昌縣東南有闕城博物  
記云卽此亭是也

公居於長府 鄭元論語注長府藏名藏財貨曰府

平子登臺而請 酈元曰曲阜上有季氏宅宅有武子臺王肅  
曰季孫宿所築

隱民多取食焉。爾疋云隱微也。郭注微謂逃藏也。衆經音義引舊注云謂逃竄也是。隱民乃逃竄之民。季氏養之故云多取食焉。杜注非。

見叔孫氏之旌以告。墨子旗幟篇云凡所求索旗名不在書者皆以其形名爲旗。叔孫氏蓋以形名爲旗。故孟氏望而知之。

公先至於野井。酈元曰玉水又西北枕祝柯縣故城東野井亭西。

請致千社。郊特牲唯爲社事單出里。鄭注二十五家爲里。孔子世家索隱曰古者二十五家爲里。里各立社。書社者書其社之人名於籍。此千社卽書社千里也。晏子昔先君桓公以皇清經解卷五章九 馬進士春秋左傳補注 十四

書社五百封管仲哀十五年傳齊與衛地書社五百是齊常以書社數百與人矣。杜注廿五家爲社不如鄭禮記注較爲明晰。

廿六年經以王子朝奔楚。漢五行志曰子暉楚之出也。

傳粟五千庾。考工記陶人庾實二穀。鄭注豆實三而成穀。則

穀受斗二升。庾讀如請益。與之庾之。庾戴東原補注云二斗

四升曰庾。十六斗曰簋。庾與簋音聲相邇。傳注往往譌溷。案

庾與簋往往譌溷者。聘禮記云十六斗曰簋。鄭注云今文簋

或爲逾。康成但言其音同。庾非謂簋卽庾也。論語包咸注直

云十六斗爲庾。始混簋爲庾矣。皇侃疏云庾二斗四升包氏

注曰十六斗爲庾。卽是聘禮之簋也。是疏亦知包注之非。元

凱注此傳混庾爲數正義反援儀禮證之且以庾爲瓦器非  
量器尤爲臆說不及皇侃之善於糾正矣

君若待於曲棘 正義言從齊向魯必不遠涉宋地曲棘涉上  
曲棘而誤甚善惟以棘爲子山封邑卽西安戟里亭恐非魯  
與齊交界在汶上成三年秋叔孫僑如帥師疆汶陽之田圍  
棘棘鄉在濟北地邱縣疑此爲齊侯所待之地下文齊師圍  
成亦在泰山鉅平縣東南與濟北地邱相近劉昭謂後漢  
濟北國乃兼并泰山郡所置是棘鄉近成之證

成人伐齊師之飲馬於淄者 酈元曰淄水又逕郟縣北郟人  
伐齊飲馬於斯水也

子淵捷 淮南說山訓曰陳成子恒之劫子淵捷也高誘注陳

皇清經解

卷五十五九

馬進士春秋左傳補注

五

成子將殺齊簡公使勇士十六人脇其大夫子淵捷欲與分  
國捷不從故劫之計淵捷亦齊之勇士

鑿而乘於宅車 玉篇云鑿一足行兒

劉人敗王城之師於尸氏 司馬彪郡國志偃師有尸鄉春秋  
時曰尸氏帝王世紀曰尸鄉在偃師縣西三十里

遂軍圍澤 郡國志河南雒陽有圍鄉

壹行不若 孟子以若所爲趙岐注若順也賈逵注子朝景王  
之長庶子今立敬王是謂不順長幼之序

坐於路寢 淮南要畧訓曰齊景公作爲路寢之臺韓非子景  
公遊於少海登柏寢之臺而望其國曰美哉堂堂乎後代孰  
有此是柏寢卽路寢地在少海

大夫不收公利一畜馬乘不察雞豚之類

廿七年傳及沙汭而還 酈元曰義城縣故屬沛後屬九江沙

水東流注於淮謂之沙汭京相璠曰楚東地也

夾之以鉞 說文曰鉞劍而刀褻者左太冲吳都賦羽族以鶩

距爲刀鉞李善注云鉞兩刃小刀也

奔鍾吾 酈元曰橫溝水西南流逕司吾山東又逕司吾縣故

城西春秋左傳楚執鍾吾子以爲司吾縣

事君如在國 如每歲賈馬具從者衣屨之類

使宰獻而請安 管子中匡篇吾願一朝安仲父也房元齡注

欲一朝樂飲而爲安

廿八年傳分羊舌氏之田以爲三縣 大戴禮言桐提伯華是

皇清經解

卷五十九

馬進士春秋左傳補注

五

銅鞮爲伯華邑楊氏卽郡國志河東楊縣劉昭補注引晉書

地道記云梁城去縣五十里叔衢邑說文曰郤晉大夫叔虎

之邑也

僚安 酈元汾水注作僚公去安

廿九年傳顓頊氏有子曰犁 楚世家帝顓頊高陽生稱稱生

卷章卷章生重黎劉氏亦曰顓頊之後曰重黎是苟謂其後

卽謂之子如少皞氏爲鄉子遠祖亦曰吾祖猶重黎爲高陽

之孫亦謂日子也許慶宗曰史記誤衍一代不如大戴禮然

大戴與史及劉氏皆誤以重黎爲一人不如此傳可據璉案

大宗伯職鄭注顓頊氏之子曰黎亦本此傳

后土爲社 鄭志答趙商問曰左氏言后土爲社謂暫作后土

無有代者故先師之說黎兼之亦因火土俱位南方又云句龍本后土後遷之爲社又答田瓊云后土古之官名死爲社而祭之故曰后土爲社句龍爲土官後轉爲社

遂賦晉國一鼓鐵 魏策蘇厲曰魏亡晉國史記正義曰河北之地安邑河內謂絳曲沃也一鼓鐵依禮記音義隱義說止容十二石重四百八十斤未必通晉之四竟賦之蓋止賦絳曲沃之人令其出一鼓量器之鐵杜注鑿正義曲爲附會非是

又加范氏焉 謂范氏助荀寅鑄刑鼎

卅年傳使居養 郡國志潁川襄縣有養陰里

卅一年經冬黑肱以濫來奔 章懷後漢書注昌盧故城在徐

皇清經解 卷三 章九

馬進士春秋左傳補注

三

州滕縣東南古邾國之濫邑也

傳日月在辰尾 日食時正夏之十月周十二月時也則其入

郢之日在庚辰入郢之月必在龍尾爲周之十二月矣

卅二年傳越得歲而吳伐之必受其凶 漢書天文志曰歲星所在國不可伐可以伐人吳越既同爲歲星所次則可以伐人服虔云吳越同次吳先舉兵故凶顧亭林謂其纏次度數不同璉案天文志云超舍而前爲贏退舍爲縮贏其國有兵不復縮其國有憂又云歲星贏而東西孟康曰歲星晨見東方行疾則不見不見則變爲祇星越得歲則歲星次舍無贏縮之象亦無祇星之見於其舍

請城成周 郡國志河南雒陽周時號成周晉太康地道記曰

城內南北九里東西六里

螭賊遠屏 謂子朝與其黨出奔楚

揣高卑 高誘曰揣商量高下也

計徒庸 唐賦租庸調此庸賦所由起

書以授帥 時魏獻子爲中軍帥

賜子家子雙琥 說文云琥發兵瑞玉爲虎文

定元年傳田於大陸 酈元曰大陸卽吳澤魏土地記曰修武

城西北二十里有吳澤水陂南北廿許里東西三十里淮南

墜形訓曰九藪晉之大陸高誘注大陸魏獻子所游焚焉而

死者是也趙之鉅鹿高誘注今鉅鹿廣阿澤是也是晉之大

陸應在修武與趙之鉅鹿不同禹貢大陸乃鉅鹿也

皇清經解

卷五 竟九

馬進士春秋左傳補注

天

爲夏車正

世本云奚仲始作車譙周古史考曰黃帝服志云

奚仲爲夏車正建其旂旒尊卑上下各有等級劉昭補注以

世本爲誤史考所說是也

萇叔違天

淮南子曰萇宏周室之執數者也天地之氣日月

之行風雨之變律歷之數無所不通是萇叔知天數不與周

欲城成周以逆天命故曰違天

葬昭公於墓道南

冢人掌公墓之地先王之葬居中以昭穆

爲左右鄭注云昭居左穆居右夾處東西以正義所云閔僖

爲昭穆推之昭公當爲昭其墓兆域宜處東而居左季氏雖

亦葬昭公於左然於墓道爲南則與諸公爲昭穆居東西者

微有不同故夫子溝而合諸墓以正其居東爲昭之正位也

三年傳門臺 郊特牲臺門鄭注此諸侯之禮正義臺門起土  
爲臺臺上架屋曰臺門

隱君身 爾疋釋詁隱微也眾經音義引郭注云微止也元凱  
不知古訓繆以隱爲憂約非是

四年經臯鼫 酈元曰潁水東南逕澤城北卽古成臯春秋之  
臯鼫也

夏后氏之璜 初學記引三禮圖云凡玉佩上有雙衡有雙璜  
璜徑三寸

封父之繁弱 宰相世系云封氏出自姜姓至夏后氏之世封  
父列爲諸侯汴州封邱有封父亭卽封父所都高誘曰繁弱  
良弓所出地也因以爲弓名

皇清經解

卷三章九

馬進士春秋左傳補注

无

因商奄之民 昭九年傳蒲姑商奄尙書多方王來自奄鄭注  
奄國在淮夷之旁書序成王既踐奄將遷其君於蒲姑鄭注  
奄旣滅矣其君佞人不可復故欲徙之於齊地據鄭注是蒲  
姑氏之地乃奄君所遷奄之民猶未徙也案郡國志魯國是  
曲阜本商奄之民所居淮夷近魯鄭云奄在淮夷之旁卽商  
奄在魯國之證奄本殷諸侯故曰商奄正義云奄是東方之  
國近魯之地猶未精當說文都國在魯括地志兗州曲阜縣  
奄里卽奄國之地

命以伯禽 劉莊伯謂伯禽爲封伯禽時篇名璉案詩烈文正  
義引洛誥祭歲文王駢牛一武王駢牛一王命作冊逸祝冊  
惟告周公其後鄭注云用二特牛祫祭文王武王於文王廟

使史逸讀所冊祝之書告神以周公其宜爲後謂封伯禽也  
此爲成王封伯禽之確證或卽以伯禽名篇如康誥唐誥之  
類劉莊伯之說蓋本鄭尙書注史逸所謂冊祝之書疑卽伯  
禽篇也

綺莢 詩釋文繼旒曰莢爾雅云繼旒曰旒是旒卽莢也周禮  
司常賈疏云周建子物萌色赤令旌旗通體盡用絳之赤帛  
是用周之正色

取於相土之東都以會王之東蒐 詩相土烈烈鄭箋云相土  
居夏后之世承契之業人爲王官之伯出長諸侯此相土之  
東都蓋相土出長諸侯之地襄九年傳陶唐氏之火正闕伯  
居商邱相土因之竹書紀年相土遷商邱是東都卽商邱也  
皇清經解 卷三十一 馬進士春秋左傳補注 三

聘季授土 史記衛世家康叔武王同母少弟也其次尙有冉  
季冉季最少白虎通引詩傳文王十子末云南記載司馬遷  
云冉季是冉南音同隱九年天王使南季來聘卽冉季之後  
世爲畿內卿士

命以康誥而封於殷墟 詩疏引王肅尙書注康國名在千里  
之畿內旣滅管蔡更封爲衛侯史記衛世家周公旦懼康叔  
齒少而申告康叔作康誥酒誥梓材以命之馬融尙書注亦  
言康國名在圻內是康叔先封於康滅管蔡後始封於衛鄭  
康成以康爲號諡非是

密須之鼓 呂覽用先民篇云密須之民自縛其主而與文王  
高誘注詩云密人不共敢距大邦此之謂也是密須卽密人

也漢志應劭注云密人不恭密須氏姑姓之國在安定陰密懷姓九宗職官五正 隱六年傳翼九宗五正逆晉侯於隨正義以爲殷時五官居在唐地世爲貴族以賜唐叔使主領之九宗五正古訓不存闕疑爲善

子浴漢

尚書浴於江海鄭注浴順水行也

史記注

自小別至於大別 酈元曰京相璠春秋土地名曰大別漢東山名在安豐縣南杜預釋地曰二別近漢之名無緣乃在安豐案地說言漢水東行觸大別之陂南與江合則與尚書杜說相符

及清發

案水經潁水注清水卽潁水支流在江夏安陸縣界

晉太安二年劉宏遣牙門皮初與張昌戰於清水卽左傳清

皇清經解

卷三十三

馬進士春秋左傳補注

三

發水

吳爲封豕長蛇 說文豕作豨云豕走豨豨从豕希聲古有封豨修蛇之害

五年傳將以璠瓊斂

初學記引逸論語曰璠瓊魯之寶玉也

吳師居麋

穎容春秋釋例曰麋在當陽

又戰於公壻之谿

淮南修務訓擊吳濁水之上高誘注濁水

益江水傳曰敗吳於公壻之谿楚地是公壻之谿卽江旁地

名

葉公諸梁之弟后臧從其母於吳 沈尹戌曾爲闔廬臣故諸

梁之母在吳是諸梁爲沈尹戌子審矣王符潛夫論以諸梁

爲戍之第三弟高誘以沈諸梁爲葉公子高之父皆不若傳

文足據元凱注爲精確矣

大德滅小怨道也 其兄有大功其弟小怨可滅矣非懷終從

其兄免王於大難也觀辛巢以王奔隨則懷猶欲殺王也

以爲樂尹 鐘儀世爲伶人鐘氏之族蓋世掌樂官故鐘建亦

爲樂尹

不能如辭 當時使人築城必授以辭如士文伯城成周屬役

賦丈書以授帥是也不能如辭築城之高厚小大不能如所

授之書辭也張奐說非是

子期又以陵師敗於繁陽 郡國志汝南宋公國有繁陽亭襄

四年傳楚師繁陽杜注銅陽南有繁陽亭

負黍狐人 馮敬通顯志賦曰求善卷之所在遇許由於負黍

皇清經解

卷三

馬進士春秋左傳補注

三

京相璠曰負黍世謂之黃城酈元曰潁水南出逕胡城東故

潁陰縣之狐人亭也郡國志潁川潁陰有狐宗鄉或曰古狐

人亭

趙簡子逆而飲之酒於縣上 郡國志大原界休有縣上聚十

道志曰綿上縣亦穀遠縣之地以縣西有綿上蓋晉介推之

地

陽虎又盟公及三桓於周社盟國人於亳社 禮記正義云魯

之外朝在庫門之內東有亳社西有國社

七年傳乃盟於瑣社注瑣亦沙也 郡國志魏郡元城有沙亭

晉地道記曰元城縣南有瑣陽城

八年經公會晉師於瓦 酈元曰酸瀆水又東南逕瓦亭南

盜竊寶玉大弓 尙書正義召誥太保乃以庶邦冢君出取幣

鄭注云所賜之幣蓋璋以皮及寶玉大弓此時所賜

傳攻廩邱之郛 王隱晉書地道記曰廩邱者春秋之所謂齊

邑矣實表東海者也酈元曰瓠河之北卽廩邱縣

主人焚衝 淮南曰隆衝以攻高誘注隆高也衝所以臨敵城

衝突壞之墨子備梯篇曰薪火水湯以濟之

或濡馬褐以救之 趙岐孟子許子衣褐注以毳織之若今馬

衣也齊策蘇子說齊閔王曰攻城之費百姓理禡蔽舉衝櫓

馬褐亦禡蔽之類

主人出師奔 賈逵以爲主人出魯師奔走下陽虎言猛在此

必敗正魯師奔之證正義以賈言爲非何也

皇清經解

卷五

馬進士春秋左傳補注

三

圍蟲牢 郡國志陳畱封邱有桐牢亭或曰古蟲牢

又戰於棘下 莊廿三年傳能投益於稷門杜注稷門魯南城

門此傳上言與陽氏戰於南門之內卽戰於稷門之內也棘

下卽稷門之下杜注稷下爲城內地名非也

九年傳鄭駟歇殺鄧析而用其竹刑 淮南呂覽說苑皆以爲

子產殺之淮南鴻烈訓云鄧析巧辯而亂法教鄭人以訟訟

不俱回子產誅之案此傳是駟歇殺之非子產列子張湛注

云子產卒後廿年而鄧析死漢藝文志名家者流有鄧析二

篇班固以爲與子產同時計其人深於刑名之學故雖殺其

身而猶用其竹刑

契其軸 爾疋釋詁曰契絕也郭注今江東呼刻斷物爲契斷

淮南齊俗訓曰越人契臂高誘注刻背釋名云契絕也璉案  
鍤其軸卽軸末轄也說文鐳車軸鐵也釋名鐳間也間釭軸  
之間使不相摩也說文牽車軸端鍵也急就篇師古注轄貫  
軸頭制轂之鐵也是軸當轂釭之間以金參之謂之鐳軸端  
之鍵以制轂者亦以金傳之謂之轄陽虎知車之能走在轄  
故契斷其軸端之鐵與當轂之鐳也史記田單令其宗人盡  
斷其軸末而傳鐵籠蓋恐軸末之鐵不足以脫燕人之難盡  
以鐵籠貫軸末則尤爲堅固自不至轄折車敗爲燕所虜矣  
晉車千乘在中牟論語佛肸以中牟畔孔安國注云佛肸晉  
大夫趙簡子之邑宰卽此中牟也漢志河南郡中牟顏注趙  
獻侯自耿徙此史記趙世家獻侯卽位治中牟臣瓚曰中牟  
在春秋之時是鄭之疆內及三卿分晉則在魏之邦土趙界  
自漳水以北不及此春秋傳曰衛侯如晉過中牟按中牟非  
衛適晉之次也汲郡古文曰齊師伐趙東鄙圍中牟此中牟  
不在趙之東按中牟當漯水之北水經渠水注漯作濕索隱  
曰此趙中牟在河北正義曰蕩陰縣西五十八里有牟山蓋  
中牟邑在此山側璉案管子中匡篇云築五鹿中牟鄴以衛  
諸夏鄴五鹿在元城郡國志鄴與元城俱屬魏郡中牟與五  
鹿鄴相近故張守節以蕩陰牟山當之韓非外儲篇晉平公  
問趙武曰中牟三國之股肱邯鄲之肩髀是中牟在邯鄲左  
右之證鄴元漳水注拘于趙以中牟易魏之說以爲趙之南  
界極於浮水非直屬漳於左傳地勢不合元凱尙疑滎陽中

皇清經解

卷五十九

馬進士春秋左傳補注

五

牟迥遠酈元可謂寡識矣

皆憤而衣狸製 詩七月正義引服虔注云狸製狸裘也杜注

本此少有脫誤惠定宇譏其望文生義未考服注也王引之

曰鄭石制字子服制製古字通製乃衣服之通稱狸製爲狸

裘雨衣製卽爲雨衣璉案正義引哀廿七年傳陳成子衣製

杖戈云文在秋上製亦裘也反不如杜注製雨衣爲善此傳

言狸裘因製上云狸知之陳成子雨而衣製何亦斷爲裘也

說苑吳赤市使於智氏假道於衛甯文子具紵絺三百製將

以送之仲達將亦解爲裘乎於紵絺又何以說也

十年傳夏公會齊侯於祝其 酈元曰游水又北逕祝其縣故

城西

皇清經解

卷五十九

馬進士春秋左傳補注

十一

十一年傳須也弱 史記注引鄭尙書注愚懦不壯毅曰弱

十二年傳敗諸姑蔑 酈元曰卞縣南有姑蔑城隱元年盟於

蔑杜注卞縣南有姑城卽此姑蔑也

十三年傳邯鄲午 趙有側室曰穿正義引服虔注穿別爲邯

鄲氏邯鄲午是其後

董安于聞之 韓非子十過篇董安于簡主之才臣儲說七術

董闕于趙上地守

十四年經齊侯宋公會於洮 酈元曰今甄城西南五十里有

洮城或謂之洮案洮城宋滅曹爲宋地

傳獲籍秦高彊

呂覽中行寅染於黃籍秦高彊

墨子無黃字

是一

子乃黨中行氏杜注二子黨范氏不若墨子呂覽足據

十五年經冬城漆 郡國志山陽南平陽有漆亭顏容釋例曰  
漆有邾之舊邑凡邑有先君之廟曰都漆有邾先君之廟是  
亦邾之大都故魯得漆而遂都之正義以爲魯不應尊邾之  
廢廟非是

哀元年傳敗越於夫椒 酈元曰太湖有苞山春秋謂之夫椒  
山吳記曰苞山在國西百餘里惠定宇疑越地不至此璉案  
太湖與嘉興接境卽越檣李安知夫椒非越地乎太湖又謂  
之五湖國語越伐吳戰於五湖是太湖爲吳越共有之地故  
賈逵釋夫椒爲越地也

昔有過澆殺斟灌以伐斟鄩 漢志北海郡平壽縣應劭曰古

斟尋禹後壽光縣應劭曰古斟灌禹後薛瓚曰斟尋在河南

皇清經解

卷五 夏元

馬進士春秋左傳補注

美

不在平壽汲郡古文曰相居斟灌東郡灌是許慶宗曰羿自  
鉏遷窮石由窮入斟尋是時大康畋於洛表在河南羿在斟  
尋而距太康於河是斟尋在河北也竹書紀年澆與斟尋大  
戰於濰覆其舟滅之濰水正在北海郡界益信應說爲確又  
斟灌與觀不可合而爲一斟灌者夏之忠臣相所依以存亡  
者也武觀者夏之姦子啟放之西河紀年注云今頓邱衛縣  
更不得以武觀之地爲斟觀之地薛瓚說非是

而邑諸綸 郡國志梁國虞縣有綸城少康邑按虞非國也郡  
國志河東大陽有虞城帝王世紀曰舜嬪於虞虞城是也是  
大陽虞城乃舜後虞國之地故劉昭補注於河東汾陰引博  
物記曰古之綸少康邑斟尋斟觀皆在河北過澆滅之縉生

少康於有仍猶懼椒求之乃奔河東依有虞之綸邑以潛身也正義知引大陽虞城爲有虞國地復於杜解梁國虞縣臆解爲夏時虞國又云杜注言有以示不審是亦知大陽虞城爲確解惠定宇以梁國虞縣綸城爲據拘於司馬彪之說其識遠遜仲達矣

二年傳兩鞞將絕吾能止之 呂覽審分覽曰王良之所以能使馬者約審之以控其轡而四馬莫敢不盡力

三年傳命宰人出禮書 周禮太史大祭祀與執事卜日戒及宿之日與羣執事讀禮書而協事

四年傳冀梁及霍 鄭元曰汝水之右有霍陽聚汝水逕其北

東合霍陽山水霍陽山水又逕梁城西春秋周小邑於戰國

皇清經解

卷五 夏九

馬進士春秋左傳補注

七

爲南梁梁縣北有故鄆鄉城謂之蠻中章懷後漢書注霍陽山在今汝州西南

陰地之命大夫士蔑 應劭地理風俗記曰河南平陰縣故晉陰地

六年經城邾瑕 水經泗水又西過瑕邱東屈從縣東南流邾

水從東來注之鄭元曰魯邑春秋之負瑕矣邾水西南流入

邾案郡國志負邱屬山陽與邾之漆與閭邱近哀七年囚邾

子負瑕杜注在南平陽縣西北哀二年伐邾取邾東田水經

負瑕邾水從東來注之鄭元亦云邾水在瑕邱西南是哀二

年所取邾東田卽負瑕也本邾地故曰邾瑕哀七年傳負瑕

故有釋亦瑕邱本爲邾地之證杜注非是

傳闕止 史記田世家作監止注監一作闕是闕監通

七年傳成子以茅叛 案郡國志高平有茅鄉亭劉昭引杜注

云茅鄉在昌邑西南與今注異

八年傳今子以小惡而欲覆宗國杜注輒魯宗族 案王符潛

夫論云公山氏魯公族姬姓故不狃亦謂魯爲宗國

何故使吾水滋 釋名云緇滓也泥之黑者曰滓此色然也滋

緇古字通

吳師克東陽而進 郡國志泰山南城故屬東海有東陽城案

城南卽武城史遷傳會參南武城人章懷後漢書注南城會

子父所葬是南城卽武城之證吳師既克武城乃克東陽也

十年傳取犂 水經潔水又東北逕潔陰縣故城北酈元曰縣

皇清經解

卷三十一

馬進士春秋左傳補注

庚

故犂邑也杜注潔作隰是隰潔古字通

侵及賴而還 司馬彪郡國志濟南管縣有賴亭

胥門巢將上軍 周禮夏官帥以門名

從司馬 昭五年傳杜洩曰夫子爲司馬杜注夫子叔孫也是

叔孫世爲司馬杜注從吳司馬非是

十二年傳若可尋也 少牢饋食禮乃爇尸俎鄭注爇温也古

文爇皆作尋記或作煇春秋傳曰若可煇也禮記血腥爇祭

鄭注爇或爲煇是煇爲温煖之義左傳多古文故煇作尋服

虔解尋之言重也温也杜本服注但解尋爲重不若儀禮鄭

注之確

十三年傳吾父之旗也 彌庸父之旗如晉趙鞅蠶旗之類有

表識者故彌庸見而知之

乞糧於公孫有山氏 王符曰有山氏魯公族姬姓

十四年傳飲酒於檀臺 史記正義曰檀臺在青州臨淄縣東

北一里

攻闔與大門 大門公宮之大門以闔爲宮中小門推之可見

逢澤有介麋焉 水經睢水東過睢陽縣南酈元曰睢水於城

之陽積而爲逢洪陂御覽陂作澤是逢澤卽逢洪陂也開封

東北逢澤非宋逢澤其遠不待辯矣

十五年傳及良而卒 郡國志下邳良成故屬東海春秋時曰

良

公孫宿以其兵甲入於贏 郡國志泰山贏縣

皇清經解

卷五 皇元

馬進士春秋左傳補注

五

十六年傳衛侯飲孔悝酒於平陽 酈元曰廩延南故故城卽

衛之平陽亭今時人謂此津爲延壽津

爲白公 酈元曰陂水東南逕白亭北又東逕吳城南史記楚

惠王二年子西召太子建之子勝於吳勝人居之故曰吳城

勝謂石乞 淮南道應訓石乞作石乙高誘注白公之黨

齊管修 後漢陰識傳其先出自管仲七世孫修自齊適楚爲

陰大夫因而氏焉

以王如高府 淮南秦族訓曰闔廬伐楚五戰入郢燒高府之

粟下言焚庫卽謂高府之粟也惠引淮南未詳

其徒微之 眾經音義引郭璞爾疋舊注微謂逃竄也

十七年傳衛侯爲虎幄於藉圃 藉圃圃名杜注繫

良夫乘衷甸兩牡 正義兵車一轅而二馬夾之其外更有二  
驂是爲四馬今此乘兩牡而謂之衷乘者衷中也蓋以四馬  
爲上乘兩馬爲中乘也璉案韓非子外儲篇苗子曰晉國之  
法上大夫二輿二乘中大夫二輿一乘下大夫專乘此明等  
級也良夫蓋乘中甸四乘之車加於晉國上大夫二輿二乘  
之上如謂一車兼有兩牡是凡乘車皆有驂馬服馬何獨衷  
甸之車獨言兩牡乎兩馬中乘之說非是

如魚鏡尾 爾正再染謂之頰郭注淺赤鄭康成考工記注引  
爾正作再染謂之窺是窺與頰同

十八年傳宋殺皇瑗使皇緩爲右師 世族譜瑗皇父充石八  
世孫緩充石十世孫是緩爲瑗從孫與注異

皇清經解

卷五 皇九

馬進士春秋左傳補注

卑

圍鄆 鄆元曰涓水又南經鄆塞東又經鄆城北古鄆子國在  
鄆之南鄆是鄆本鄆邑楚滅鄆故杜云楚邑

廿三年傳其可以稱旌繁乎 賈子新書審微篇曰繁纓者君  
之駕飾也薛綜西京賦注弁馬冠也义髦以璿玉飾之纓馬  
鞅也繁說文作緜云馬髦飾也是繁爲馬髦之飾或以璿玉  
爲之非纓也

親禽顏庚

呂覽篇云顏涿聚學於孔子後漢左原傳云昔顏

涿聚梁甫之巨盜卒爲齊之忠臣韓非子十過篇云田成子  
所以遂有齊國者顏涿聚之力也是庚非齊之忠臣蓋田成  
子之黨故成子後復使涿聚之子仕爲大夫又加以五邑

廿六年傳寢於盧門之外 鄆元曰宋南門曰盧門春秋華氏

居廬門里叛柱預曰廬門宋城南門此注廬門爲宋東門非  
是今本杜注華氏廬門宋東城南門

工部都水司郎中臨川李秉綬刊

皇清經解卷一千二百七十九終

嘉應生員葉榦校

皇清經解

卷一千二百七十九終

馬進士春秋左傳補注

聖

皇清經解卷一千二百八十

春秋公羊經何氏釋例目錄敘

卷一 張三世例第一 通三統例第二

內外例第三

卷二 時月日例第四

卷三 名例第五 褒例第六

譏例第七

卷四 貶例第八 誅絕例第九

卷五 律意輕重例第十

卷六 王魯例第十一 建始例第十二

不書例第十三 諱例第十四

皇清經解

卷五百八 劉禮部公羊何氏釋例目一

卷七 朝聘會盟例第十五 崩薨卒葬例第十六

大國卒葬表第十七 小國進黜表第十八

秦吳楚進黜表第十九

卷八 公終始例第二十 娶歸終始例第二十一

致公例第二十二 公大夫世系表第二十三

大夫卒例第二十四

卷九 侵伐戰圍入滅取邑例第二十五

地例第二十六 郊禘例第二十七

闕疑例第二十八 主書例第二十九

卷十 災異例第三十

敘曰昔孔子有言吾志在春秋又曰知我者其惟春秋乎罪

我者其惟春秋乎蓋孟子所謂行天子之事繼王者之迹也傳春秋者言人人殊惟公羊氏五傳當漢景時乃與弟子胡毋子都等記于竹帛是時大儒董生下雖三年講明而達其用而學大興故其對武帝曰非六菽之科孔子之術皆絕之弗使復進漢之吏治經術彬彬乎近古者董生治春秋倡之也胡毋生雖著條例而弟子遂者絕少故其名不及董生而其書之顯亦不及繁露縣延迄于東漢之季鄭眾賈逵之徒曲學阿世扇中壘之毒焰鼓圖讖之妖氛幾使義轡重昏昆侖絕紐賴有任城何邵公氏修學卓識審決白黑而定尋董胡之緒補莊顏之缺斷陳元范升之訟鍼明赤之疾研精覃思十有七年密若禽墨之守禦義勝桓文之節制五經之師罕能及之天不祐漢晉戎亂德儒風不振異學爭鳴杜預范甯吹死灰期復然漑朽壤使樹菽時無戴宏莫與辨惑唐統中外並立學官自時厥後陸淳啖助之流或以棄置師法燕說郢書開無知之妄或以和合傳義斷根取節生歧出之途支室錯迂千喙一沸而聖人之微言大義盡晦矣

大清之有天下百年開獻書之路招文學之士以表章六經爲首于是人恥鄉壁虛造競守漢師家法若元和惠棟氏之

于易欵金榜氏之于禮其善學者也

祿

束髮受經善董生何

氏之書若合符節則嘗以爲學者莫不求知聖人聖人之道備乎五經而春秋者五經之筭鑰也先漢師儒畧皆亡闕惟詩毛氏禮鄭氏易虞氏有義例可說而撥亂反正莫近春秋

董何之言受命如嚮然則求觀聖人之志七十子之所傳舍  
是奚適焉故尋其條貫正其統紀爲釋例三十篇又析其疑  
滯強其守衛爲箋一卷答難二卷又博徵諸史刑禮之不中  
者爲禮議決獄二卷又推原左氏穀梁氏之失爲申何難鄭  
五卷用冀持世之志倘有折衷若乃經宜權變損益制作則  
聰明聖知達天德之事槩乎其未之聞也已嘉慶十年六月  
蘭陵劉逢祿撰于東魯講舍

皇清經解

卷五十三

劉禮部公羊何氏釋例目

三

皇清經解卷一千二百八十

學海堂

春秋公羊經何氏釋例

武進劉禮部逢祿著

張三世例第一

隱元年注所傳聞之世外小惡不書書者來接內也

傳所見異辭所聞異辭所傳聞異辭注所見者謂昭定哀己與父時事也所聞者謂文宣成襄王父時事也所傳聞者謂隱桓莊閔僖高祖曾祖時事也異辭者見恩有厚薄義有深淺時恩衰義缺將以理人倫序人類因制治亂之法故於所見之世恩已與父之臣尤深大夫卒有罪無罪皆日錄之丙申季孫隱如卒是也所聞之世王父之臣恩少殺大夫卒無罪者日錄有罪者不日略之叔孫得臣卒是也所傳聞之世高祖曾祖之臣恩淺大夫卒有罪無罪皆不日畧之也公子益師無駭卒是也於所傳聞之世見治起于衰亂之中用心尙麤桷故內其國而外諸夏先詳內而後治外錄大畧小內小惡書外小惡不書大國有大夫小國畧稱人內離會書外離會不書是也於所聞之世見治升平內諸夏而外夷狄書外離會小國有大夫宣十一年秋晉侯會狄于欒函襄二十三年邾婁鼻我來奔是也至所見之世著治太平夷狄進至于爵天下遠近大小若一用心尤深而詳故崇仁義譏二名晉魏曼多仲孫何忌是也所以三世者禮爲父母三年爲祖父母期爲曾祖父母齊衰三月立愛自親始故春秋据哀錄隱上治祖禰所以二百四十二年者取法十二公天數備足著治法式又因周道始壞絕于惠隱之際

二年公會戎于潛注所傳聞之世外離會不書書內離會者春秋王魯明當先自詳正躬自厚而薄責於人故略外也

桓二年傳所見異辭所聞異辭所傳聞異辭注復發傳者益師以臣見恩此以君見恩嫌義異也所見之世臣子恩其君父尤厚故多微詞是也所聞之世恩王父少殺故立煬官不日武官日是也所傳聞之世恩高祖會祖又少殺故子赤卒不日子般卒日是也按哀十四年傳注並同

五年齊侯鄭伯如紀傳外相如不書書離不言會也注春秋始錄內小惡書內離會畧外小惡不書外離會至所聞世著治升平內諸夏而詳錄之乃書外離會嫌外離會常書故變文見意以別嫌明疑

皇清經解

卷三百八

劉禮部公羊何氏釋例

二

僖二十六年楚人滅隗以隗子歸注不名者所傳聞世見治始起責小國畧但絕不誅之

宣十一年晉侯會狄于欒函注離不言會言會者見所聞世治近升平內諸夏而詳錄之殊夷狄也下發傳于吳者方具說其義故從外內悉舉者明言之

成十五年冬十有一月叔孫僑如會晉士燮齊高無咎宋華元衛孫林父鄭公子鱒邾婁人會吳于鍾離傳殊會吳外吳也春秋內其國而外諸夏內諸夏而外夷狄言自近者始也注不殊楚者楚始見所傳聞世尙外諸夏未得殊也至於所聞世可得殊又卓然有君子之行吳似夷狄差醇而適見於可殊之時故獨殊吳

襄二十三年邾婁鼻我來奔傳邾婁無大夫以近書也注所傳聞世見治始起外諸夏錄大畧小大國有大夫小國畧稱人所聞之世內諸夏治小如大廩廩近升平故小國有大夫治之漸也見於邾婁者自近始也獨舉一國者時亂實未有大夫治亂不失其實故取足張法而已

昭三年北燕伯欵出奔齊注名者所見世著治太平責小國詳錄出奔當誅

六年春王正月祀伯益姑卒注不日者行微弱故畧之入所見世責小國詳始錄內行也諸侯內行小失不可勝書故于終略責之見其義

十六年楚子誘戎曼子殺之注戎曼稱子者入昭公見王道太皇清經解

卷一百一

劉禮部公羊何氏釋例

三

平百蠻貢職夷狄皆進至其爵

三十年冬十有二月吳滅徐徐子章禹奔楚注至此乃月者所見世始錄夷狄滅小國也不從上州來巢見義者固有出奔可責

定元年立煬宮注不日者所見之世諱深使若比武宮惡愈故不日

六年季孫斯仲孫忌帥師圍運傳此仲孫何忌也譏二名注定哀之間文致太平欲見王者治定無所復爲譏唯有二名故譏之此春秋之制也

哀三年冬十月癸卯秦伯卒注哀公著治太平之終小國卒葬極于哀公皆卒日葬月

十有四年春西狩獲麟傳春秋何以始乎隱祖之所逮聞也所見異辭所聞異辭所傳聞異辭何以終乎哀十四年曰備矣注人道浹王道備欲見撥亂功成于麟猶堯舜之隆鳳皇來儀故麟于周爲異春秋託以爲瑞明太平以瑞應爲效也

釋曰傳曰親親之殺尊賢之等禮所生也春秋緣禮義以致太平用坤乾之義以述殷道用夏時之等以觀夏道等之不著義將安放故分十二世以爲三等有見三世有聞四世有

傳聞五世於所見微其詞於所聞痛其禍於所傳聞殺其恩

由是辨內外之治明王化之漸施詳畧之文魯愈微而春秋之化益廣內諸夏不言鄙疆是也

董子觀德篇云稱之會先內衛奉本篇云諸侯伐哀勝何氏注義世愈亂而春秋之文益治譏二名西狩獲麟是

皇清經解 卷五百廿 劉禮部公羊何氏釋例

四

也昔者夫子正雅南以先公之教繫之召公著王道之始基而騶虞爲之應以文王之風繫之周公著王道之太平而麟趾爲之應小雅文武爲牧伯之事也諸侯歌之其衰也至於四夷交中國微大雅文武爲天子之事也天子歌之其衰也至於西土亡王迹熄鳴鳥不聞河圖不出天乃以麟告文王旣沒文不在茲乎愀然以身任萬世之權灼然以二百四十二年著萬世之治且曰其或繼周者雖百世可知也古之造文者三畫而連其中謂之王易之六爻夏時之三等春秋之三科是也易一陰一陽乾變坤化歸於乾元用九而天下治要其終於未濟志商亡也詩書一正一變極於周亡而一終秦誓一終商頌秦誓傷周之不可復也商頌示周之可興也

夏時察大正以修王政修王政以正小正德化至於鳴雉而推原終始之運本其興曰正月啓蟄戒其亡曰十有二月隕麋角春秋起衰亂以近升平由升平以極太平尊親至於凡有血氣而推原終始之運正其端曰元年春王正月公卽位著其成曰西狩獲麟故曰治不可恃鳴雉猶獲麟也而商正於是建矣亂不可久字於東方蠡於十二月災於戒社京師於吳楚猶匪風下泉也而夏正於是建矣无平不陂无往不復聖人以此見天地之心也

通三統例第二

隱元年春王正月注王者受命必徙居處改正朔易服色殊徽號變犧牲異器械明受之于天不受之于人夏以斗建寅之月皇清經解卷三音全

劉禮部公羊何氏釋例

五

爲正平且爲朔法物見色尙黑殷以斗建丑之月爲正雞鳴爲朔法物牙色尙白周以斗建子之月爲正夜半爲朔法物萌色尙赤又注禮適夫人無子立右媵姪娣無子立左媵左媵無子立嫡姪娣嫡姪娣無子立右媵姪娣右媵姪娣無子立左媵姪娣質家親親先立娣文家尊尊先立姪嫡子有孫而死質家親親先立弟文家尊尊先立孫其雙生也質家据見立先生文家据本意立後生皆所以防愛爭

天王使宰咺來歸惠公仲子之賵傳賵者蓋以馬以乘馬束帛

注此道周制也

車馬曰賵貨財曰賵衣被曰襚

注此者春秋制也

二年紀履緌來逆女注禮所以必親迎者所以示男先女也于廟告本也夏后氏逆于庭殷人逆于堂周人逆于戶

案注凡詳三代異制

多本禮說  
不悉載

三年春王二月注二月三月皆有王者二月殷之正月也三月夏之正月也王者存二王之後使統其正朔服其服色行其禮樂所以尊先聖通三統師法之義恭讓之禮于是可得而觀之宋公和卒注宋稱公者殷後也王者封二王後地方百里爵稱公客待之而不臣也

七年齊侯使其弟年來聘傳母弟稱弟母兄稱兄注分別同母者春秋變周之文從殷之質質家親親明當親厚異於羣公子也

十一年滕侯薛侯來朝注滕序上者春秋變周之文從殷之質質家親親先封同姓

皇清經解

卷五

劉禮部公羊何氏釋例

六

公薨傳春秋君弑賊不討不書葬以爲無臣子也注道春秋通例與文武異

桓三年春正月注無王者見桓公無王而行也二月非周之正月所以復去之者明春秋之道亦通於三王非主假周以爲漢

制而已

案在漢言漢即傳所云制春秋之義以俟後聖也

四年春正月公狩于郎傳春曰苗秋曰蒐冬曰狩注不以夏田者春秋制也以爲飛鳥未去于巢走獸未離于穴恐傷害于幼穉故于苑囿中取之

十一年鄭忽出奔衛傳忽何以名春秋伯子男一也辭無所貶注春秋改周之文從殷之質合伯子男爲一一辭無所貶皆從子夷狄進爵稱子是也忽稱子則與諸侯改伯稱子辭同于成

君故名也名者緣君薨有降旣葬名義也此非罪貶也君子不奪人之親故使不離子行也王者起所以必改質文者爲承衰亂救人之失也天道本下親親而質省地道敬上尊尊而文煩故王者始起先本天道以治天下質而親親及其衰敝其失也親親而不尊故後王起法地道以治天下文而尊尊及其衰敝其失也尊尊而不親故復反之于質也質家爵三者法天之中也

莊二十二年公如齊納幣注禮言納徵春秋言納幣者春秋質也

二十七年杞伯來朝注杞夏后不稱公者春秋黜杞新周而故皇清經解

卷五音全

劉禮部公羊何氏釋例

七

宋以春秋當新王黜而不稱侯者方以子貶起伯爲黜說在僖二十三年

僖二十三年注始見稱伯卒稱子者微弱爲徐莒所脅不能死位春秋伯子男一也辭無所貶貶稱子者春秋黜杞不明故以其一等貶之明本非伯乃公也又因以見聖人子孫有誅無絕故貶不失爵也

二十八年晉侯入曹執曹伯昇宋人注時天王居于鄭晉文欲討楚師以宋王者之後法度所存故因假使治之宋稱人者明聽訟必師斷與其衆共之

文十三年世室屋壞傳周公用白牲魯公用騂剛注殷牲也周公死有王禮謙不敢與文武同也不以夏黑牡者嫌改周之文

當以夏辟嫌也。駢剛周性魯公以諸侯不嫌故從周制。

宣十六年成周宣榭災。傳外災書新周也。注新周故分別有災不與宋同也。孔子以春秋當新王上黜杞下新周而故宋因天災中興之樂器示周不復興故繫宣榭于成周使若國文黜而新之從爲王者後記災也。

成十五年仲嬰齊卒。傳叔仲惠伯注叔仲者叔彭生氏也。文家字積于叔叔仲有長幼故連言之。經云仲者明春秋質家當積于仲。

十七年九月辛丑用郊。傳郊用正月上辛注言正月者因見百王正所當用也。三王之郊一用夏正言正月者春秋之制也。案傳

所謂正月即夏正

皇清經解

卷五音全

劉禮部公羊何氏釋例

八

定六年仲孫忌傳譏二名注爲其難諱也。一字爲名令難言而易諱所以長臣子之敬不逼下也。此春秋之制也。

哀十四年春西狩獲麟。注河陽冬言狩獲麟春言狩者蓋据魯變周之春以爲冬去周之正而行夏之時。按春言狩下當增不從桓桓四年以正月譏

者十字乃明

釋曰昔顏子問爲邦子曰行夏之時乘殷之輅服周之冕終之曰樂則韶舞蓋以王者必通三統而治道乃無偏而不舉之處自後儒言之則曰法後王自聖人言之則曰三王之道若循環終則復始窮則反本非僅明天命所授者博不獨一姓也夫正朔必三而改故春秋損文而用忠文質必再而復故春秋變文而從質受命以奉天地故首建五始至于治定

功成鳳皇來儀百獸率舞而韶樂作焉則始元終麟之道舉而措之萬世無難矣曰然則三正見于夏書而春秋繼詩公而作詩顧不言何也曰詩之言三正者多矣而尤莫著于三頌夫子既降王爲風而次之邶鄘之後言商周之既亡終之以三頌非新周故宋以魯頌當夏而爲新王之明徵乎夫既以魯頌當新王而次之周後復以商頌次魯而明繼夏者殷非所謂三王之道若循環者乎故不明春秋不可與言五經春秋者五經之筦鑰也曰通三統之義既得聞命矣子思子之述春秋也則曰祖述堯舜憲章文武傳亦曰樂道堯舜之道而其釋五始則曰王者孰謂謂文王也不兼舉二月三月而通之何歟曰春秋之義固上貫二帝三王而下治萬世者也文王雖受命稱王而于繫易猶以庖犧正乾五之位而謙居三公晉明夷升三卦言受祖得民而伐罪也臨商正言改正朔也夫文王道未洽于天下而繫易以見憂患萬世之心春秋象之故曰文王既沒文不在茲乎故明春秋而後可與言易易觀會通以行典禮而示人以易春秋通三代之典禮而示人以權經世之志非二聖其孰能明之

內外例第三

隱元年注所傳聞世外小惡不書書者來接內也

祭伯來傳奔也注內外皆書者重乖離之禍也

二年注凡書兵者正不得也外內深淺皆舉之

又傳外逆女不書注內逆女常書外但疾始不常書者明當先

皇清經解

卷三十一

劉禮部公羊何氏釋例

九

自正躬自厚而薄責於人故畧外也

三年傳外大夫不卒注原仲不卒案文三年定四年傳同

宋公和卒注貶外言卒所以褒內也

四年傳外取邑不書注義與上逆女同案六年莊元年三十年宣元年昭二十有五年

哀八年傳同

十年傳春秋錄內而畧外於外大惡書小惡不書於內大惡諱

小惡書入諱例者不重出

十一年注內適外言如外適內言朝聘所以別外尊內也

桓五年傳外相如不書案本年及襄五年傳並同

十年傳內不言戰十二年十年同

十三年傳內言戰恃外故從外也

皇清經解 卷五百全 劉禮部公羊何氏釋例 十

十八年注加我君者錄內猶君薨地也

莊元年注內女歸例月外女不月

二年傳外夫人不卒注內女卒例日外女不日

四年傳外夫人不書葬案莊三十年襄三十年傳同

九年傳內不言敗

十一年傳外灾不書案二十年宣十六年襄九年傳同

十九年伐我西鄙注鄙者邊垂之辭樂見遠也案此類皆內辭

二十五年注內朝聘言如者尊內也書者錄內所交接也

二十七年注凡公出在外致在內不致

僖四年來盟于師傳言來與桓為主也注以從內文

十六年傳外異不書案文三年成五年昭十八年傳同

二十五年注外小惡正之者宋以內娶故公族以弱妃黨以彊疾其末故正其本

二十六年傳乞師卑辭也外內同若辭重師也

二十八年注內殺大夫例有罪不日無罪日外殺大夫皆時見案

諱例

公朝于王所注不書諸侯朝者外小惡不書獨錄內也不書如不言天王者從外正君臣所以見文公之功

三十二年鄭伯接卒注不書葬者殺大夫也就葬別有罪無罪惟內無貶公之道不可去葬故從殺時別之

宣元年公子遂如齊逆女注有母言如者緣內諱無貶公文

十五年傳外平不書

皇清經解 卷三十一 劉禮部公羊何氏釋例

十一

成二年季孫行父臧孫許叔孫僑如公孫嬰齊帥師會晉郤克衛孫良夫曹公子手及齊侯戰于鞏齊師敗績傳曹無大夫公子手何以書憂內也注大夫敵君不貶隨從王者大夫得敵諸侯也不從內言敗之者君子不掩人之功故從外言戰也君獲不去師敗績者辟內敗文

三年注內不言叛昭元年注同

十五年傳殊會吳外吳也春秋內其國而外諸夏內諸夏而外夷狄王者欲一乎天下曷爲以外內之辭言之言自近者始也襄九年傳大者曰灾小者曰火內不言火者甚之也注春秋以內爲天下法動作當先自克責故小有火如大有灾

昭二十三年戊辰吳敗頓胡沈蔡陳許之師于雞父見進黜表

釋曰昔文王繫易著君德于乾二辭與五同言以下而升上以內而及外也夫子贊之曰庸言之信庸行之謹閑邪存其誠善世而不伐德博而化有旨哉慎言行辨邪正著誠去僞皆所以自治也由是以善世則合內外之道也至于德博而化而君道成春秋所謂大一統也夫治亂之道非可一言而盡易變動不居由一陰一陽而窮天地之變同歸于乾元用九以見天則春秋推見至隱舉內包外以治纖芥之慝亦歸于元始正本以理萬事故平天下在誠意未聞枉己而能正人者也春秋之化極于凡有血氣之倫神靈應而嘉祥見深探其本皆窮理盡性之所致爲治平者反身以存誠強恕以求仁而已矣

皇清經解

卷五

劉禮部公羊何氏釋例

三

皇清經解卷一千二百八十終

嘉應生員李恆春校

